

TSHIVHOTSHWA

 Fhano hafhu, nga Dzina la Murena Yesu, na u pfa nga ha mishumo mihulwane nahone ya maanda ye Wa ita, u rangani. Huno zwino ri ima ri na ndavhelelo, vusa lutendo lwashu nahone u ri dolise, u tenda uri zwe zwa humbelelwa madekwana a namusi zwi do tendelwa. Iwe u divha tshiñwe na tshiñwe tshazwo, zwoþhe zwe vha humbelwa. Huno ri a vha rabelela, nga maandamaanda, Murena, avho vha re tsini nga maanda na lufu. Disa mulalo muyani wavho arali u songo di vha heneffo. Disa phodzo kha muvhili wavho. Zwi tendele, Murena.

² Fhaþutshedza u kuvhangana hashu. Ri—ri a rabela, Murena, kha uyu muþangano wa thabelo wa vhusiku ha Lavhuraru, uri, sa izwo ro kuvhangana, ri tshi zwi divha uri huñwe na huñwe hune vhavhili kana vho engedzeaho vha kuvhangana vhoþhe, U ðo vha na riñe. Huno ri a U humbelwa, Murena, uri u ri nee Ipfi Lau madekwana a namusi. Amba na riñe, Murena, nahone u dudedze mbilu dzashu, lu songo doweleaho, uri ri kone u dilaya riñe vhane u itela tshifhinga tshavhuði tshi re phanda, samusi ri tshi tenda uri ri khou sendela U ða ha Murena.

³ Ri a U livhuwa nga vhathu vhane zwino vha khou thoma u wana lutendo lu funeaho khavho, na u divha zwine lutendo lwa amba. Huno ri a divha, nahone ri a U livhuwa nga tshumelo dzine dzi kha di vha phanda, ri tshi tenda uri U khou yo ita tshiñwe tshithu. Murena, ro lindela ri na ndavhelelo, vhunga maðuvhani a kale, ri tshi tenda uri tshifhinga tshi tsini musi U tshi khou yo tou u takulela nþha mafasitere a Taðulu huno wa shululela pfulufhedziso dze Mudzimu a fulufhedzisa kha duvha ili la u fhedzisela.

⁴ Zwino ri a U humbelwa, Murena, u—u vha na vhoþhe, u mona na dzitsakha, vhunga namusi ro pfa vhanzhi nga maanda u mona hoþhe, huñwe na huñwe, a re na thodea. Vha nee khumbelo dzavho, Murena. Huno ri rabela u vhona tshanda tshihulwane tsha Mudzimu tshi tshi shuma shangoni loþhe vhukati ha avho vha no khou þoda tshithu itsi tshihulwane.

⁵ Ri hangwele tshivhi tshashu. Ri rwe, Murena, nga Muya Wau na Ipfi Lau, uri ri kone u dilaya riñe vhane, vhalanda vha thonifhaho, vhalanda vha thonifhaho kha lufuno lwa Mudzimu. Kha ri elewe, nahone ri lingedze u elekanya mbiluni dzashu, zwe Vhakriste vha u ranga vha ita. Ri ðo þangana na vhathu vha lushaka lufhio arali ro þangana na vhaþla vhe nga tsha vhukoma vha vha na vhukwamani na Iwe. Nga ndila ye zwifhaþuwo zwa fanelu vha zwo funga lutendo na dakalo. Nga ndila ye vhutshilo havho ha fanelu u vha ho vha Ipfi la Mudzimu li tshilaho, vha tshi tou vha “epistola dzo ñwalwaho dici no vhalwa nga

vhatu vhoṭhe,” musi vha tshi dzhena nahone vhukati ha vhatu. Mudzimu, zwi tendele futhi.

⁶ Ngavhe vhutshilo hashu vhu tshi nekedzwa nga maanda kha Iwe, uri Muya Mukhethwa u Ditshile nga kha riṇe, nahone u ambe nga kha riṇe, Murena. Ngavhe ri tshi elelwa, ḥhalukanyoni dzashu, musi ri tshi tshimbila tshiṭaraṭani nahone ri tshi kudanyisa zwanda na shango, a ro ngo tea u fana na havhala. Huno ri bvela thungo nahone ra vha Ḇea fhethu, Murena, na vhuimo havho ha vhukuma hafha kha Ḇifhasi. Ri do dzhia tshidzulo tsha murahu, ri tshi zwi ḋivha uri ri vhurumelwa vhu bvaho kha Ḇihwe shango. Ri na Muvhuso u no khou dzhia ndango, Murena. Huno Khosi khulwane yashu i do swika hu si kale nahone ya dzhia mivhuso yoṭhe i re musanda Wayo. Huno I do vhusa nahone ya laula; Nae hafha kha Ḇifhasi, miñwaha ya tshigidi, nahone ra vha Nae lini na lini.

⁷ Ri na hezwi ḥhalukanyoni, Murena, zwino ri sedza phanda kha phindulo ya thabelo yashu. Ri sedza kha dupo Ḇashu. Arali ro ita tshinwe tshithu, ro amba tshinwe tshithu, kana ro elekanya tshinwe tshithu, tshe tsha fhambana na lufuno Lwau luhulwane, i ri Malofha a Yesu Kristo a ri Ḇanzwe.

⁸ Ri range phanda, Murena, vhunga khaladzi o amba madekwana a namusi, nga ha ene na munna wawe ndilani ya u ya Chicago. Vha range phanda, Murena Mudzimu, kha fhethu hune U nga hu shumisa, uri vha kone u vha mađenzhe a tshedza kha vhańwe vha no khou phuphudzika swiswini, vhanе vha sa ḋivhe Murena Yesu washu. Zwino ri kumedzela tshumelo kha īwe, nahone ri tshi khou thetshelesa Ipfi Łau la ndulamiso, uri ri kone u ḋivha uri ri nga lugisela hani awara iyī ḥkulwane, Dzinani la Yesu ri a zwi humbela. Amene.

[Tshikhala kha theiphi. Murathu Neville u Ḇea muhumbulo—Mudz.]

Murena a ni fhaṭutshedze. Ndi a ni livhuwa, murathu.

⁹ Ndo vha ndi songo lavhelela hezwi na zwiṭukuṭuku. Ḇne, ndi hafha hayani, ndo pfa ndi tshi nga zwa vhukuma a thi tei u ya huńwe fhethu, zwa shishi, nda pfa zwi sa mpfari zwavhuđi lini, nne ndo dzula hayani huno ndi sa di muṭanganoni wa thabelo. Huno nda sokou dzhena, zwi songo lavhelelwa, kha nne muṇe, na kha muṭa wanga. Ndo tou dzhena, huno nda bva na zwenezwo. Huno ngauralo nda ri, “Ndi khou tsela fhasi muṭanganoni wa thabelo.” Huno ho ngo vhuya a vha na tshifhinga tsha u dilugisela u da, ngauralo ho ngo ḋivha uri ndi khou da.

¹⁰ Ngauralo ndi takalela u pfa vhuṭanzi ha khaladzi afho, mukomana, nga ha tshiła Tshedza n̄ha ngei South Carolina kana North Carolina, huńwe fhethu. Greenville, ho vha hu mini? [Khaladzi uri, “Hai. Southern Pines.”—Mudz.] Southern Pines. Ee.

¹¹ Mukomana Lee Vayle o vha a tshi tou vha fhano namusi. Ndo mu lovhedza, namusi, tshumeloni ya ndovhedzo fhano namusi. Mukomana Lee Vayle ni a mu ḋivha, na vhashumeli afho, Mukomana Parker Thomas. Hu na . . .

¹² Ndi elelwa zwa—zwa tshifhinga, khaladzi o tsirwa nga murunzi. Yo vha i khwathisedzo khulwane, khaladzi, kha zwe . . . Muya Mukhethwa nga tshiñwe tshifhinga u do ri tendela u bvela phanda huno wa linga lutendo lwashu, u vhona uri lu hani, huno wa linga lutendo lwa vhañwe. Musi no sedza thwii kha tshiñwe tshithu, huno na vhona tshiñwe tshithu, huno na tshi amba; vhañwe vha sedza huno vha si tshi vhone, vha ri a tshihio. Ni a vhona? Fhedzi tshi hone.

¹³ Zwino, ho vha hu si na we a kona u vhona uri Tshedza tsho vha tsho nembelela nga ntha ha Paulo, fhedzi Tsho vha tshi hone. A hu na we a vhona liña liivha li tshi tsa li tshi bva Tađulu, ngomu kha tshila Tshedza, nga tshivhumbleo, huno tsha nembelela nga ntha ha Yesu, nga nn̄da ha Yohane ene muñe. Fhedzi Tsho vha tshi hone. Ni a vhona?

¹⁴ Huno ngauralo, zwenezwo, nga murahu ha musi ndo vha ndi tshi khou vhudza vhatheha nga ha itsi Tshedza tshi tshi tou nga Khavhu ya Mulilo, a hu na we a ḋodou zwi tenda. Fhedzi zwino ito ḋa mutshini ḋa khamera ḋa Tshi ḋivhadza, uri Tshi ḋa hani.

Huno myua muvhi wo swifhala.

¹⁵ Zwi tou fana na vhutshilo hashu, ri mirunzi. Huno ri . . . Arali ri tshedza, hune arali vhutshilo hashu vhu tshi tendelana na Tshedza tsha ḋuvha, ri khou tshimbila Tshedzani.

¹⁶ Zwi tou fana na musi ni tshi sedza nn̄da huno na ri, “Ndi vhona ḋuvha,” hu masiari. Ni—ni vhona murunzi wa ḋuvha. Ndi tshivhoniswa tsha ḋuvha. A si ḋuvha, lone line, fhedzi u sumbedza uri li hone ḋuvha. Zwi sumbedza uri li hone ḋuvha.

¹⁷ Huno zwino musi ndi tshi vhona, vhunga inwi no dzulaho afho nn̄da, ni tshi khou shumisa dzifene, ni tshi khou amba, izwo zwi amba uri ni khou tshila, fhedzi ndi murunzi wa vhutshilo fhedzi.

¹⁸ Ngauri, tshiñwe na tshiñwe tshi tea u vha na swiswi ngomu hatsho, u ita murunzi. Ni a vhona? Ngauri, murunzi u tea u vha na murunzi mungafha na tshedza tshingafha, u ita murunzi. Huno hu nga si swifhale tshothe-tshothe, nahone hu nga si vhe tshedza tshothe-tshothe. Arali ho swifhala, ho swifhala zwa vhukuma. Arali tshi tshedza, a hu na murunzi, a hu na tshithu tsha u ita murunzi. Fhedzi arali zwo vanganywa na swiswi na tshedza, zwi ita murunzi.

¹⁹ Ngauralo rine zwa vhukuma ri mirunzi ya tshedza. Zwino ni khou vhonisa vhutshilo vhu bvaho huñwe fhethu. Arali ni tshi ralo, nahone ni Mukriste, uvhu vhu tshi tou vha murunzi, zwi sumbedza fhedzi uri hu na Vhutshilo hune ni nga si fe, ngauri

vhutshilo hovhu vhu na lufu ngomu haho. Ni a vhona? Fhedzi ndi murunzi, ngauri ni khou tshila, tshivhumbwa tshi tshimbilaho tshi re na vhukoni ha u vhona, u elekanya, u tshimbila, na u amba, na zwipfi zwițanu zwa muvhili. Fhedzi naho zwo ralo ni a divha, zwone, zwi khou fa. Huno hu na khakhathi khulu nga maanda. Ni a zwi divha, hu nga vha fhedzi . . . Ndi tshivhonisa, ni a vhona, tsha urī hu na vhutshilo na lufu zwo vanganywaho.

²⁰ Tshi vhonalaho tshi tea u fa. Arali ni tshi khou vhonisa, nga vhutshilo haṇu vhu faho, Tshedza tsha Tađulu, zwenezwo ni khou vhonisa Vhutshilo Vhu Sa Fheli, Mudzimu. Zwenezwo musi ni tshi fa, ni nga si tsha kona u ya kha itsho Tshedza, ngauri Itsho ndi tshe na vhonisa.

²¹ Arali ni wa shango la swiswi, ni vhonisa lenelo, huno ni nga ita, na si ye nga iñwe ndila nnđani ha u ya swiswini. Ni a vhona? Ngauralo ri kha tshivhonisa. Ngauralo, izwo ri a zwi vhona. Huno ngangoho vhunga Muya Mukhethwa u tshi vhonisa Tshedza na Vhutshilo, na vhutshilo vhu vhonisa swiswi.

²² Huno zwothe hafha zwo ralo. Matshe- . . . Mafheloni a vhege, khamusi nga Šwondaha, ri khou ita uri tshifanyiso tshițuku tshi aluswe uri tshi vhe tsha muelo muhulwane, u itela uri tshi kone u vhewa kha bodo ya khunguwedzo.

²³ Hune, tshifanyiso *tshanu* tsho nembelela ngei nnđa kha bodo ya khunguwedzo. A thi divhi arali no tshi dzhiela nzhele, kana hai. Huno zwenezwo . . .

Huno vhege yo fhiraho i tshi ḥodou fhela, ngei—ngei Jamaica, he nda vha ndi tshi khou ita zwa vhurumiwa. Ri rumela dzitheiphi shangoni lothe. Huno *Mapfundo A Sumbe* o vhuyelela ngomu . . . murahurahu kha mashango a nga ngomu kha la Jamaica, kule nga ngomu. Huno ndi ha kale nga maanda murahu ngomu heneffo, murahu ha Thavha ya Lutombo. Huno vhapo, tshiñwe tshifhinga, vha na thi—thiphirekhoda ine ra vha wanela yone, ine na tea u—u, i tshimbida, vhunga Victrola ya kale, huno zwenezwo na i litsha—litsha ya tamba nga u ralo. Zwenezwo, miniti miñwe na miñwe i si gathi, muñwe u tea u i tshimbidza.

²⁴ Tshigwada itshi tsho vha tshi na bi—biṭiri ḥukhu, biṭiri ya maanda a rathi, kana tshiñwe tshithu—vho, tshi tshi khou tamba thiphirekhoda. Huno vho—vhothe vho vha vho dzula vhothe, vha tshi ḥodou edana na vha re fhano ḥamusi, vha tshi khou thetselesa ayo *Mapfundo*, ndi tenda uri o vha e one. Huno musi ndi tshi khou amba, vho dzhiela nzhele, i tshi dzhena lufherani, ya da Khavhu ya Mulilo yeneila nthihi, ya ya he thiphirekhoda ya vha i hone nahone ya dzula nga nthihi hayo. Huno vho ya nahone vha wana khamera vha dzhia tshifanyiso Tshayo. Huno i tou vha yeneila Nthihi, Ngeila, yo nembelelaho hangei nga nthihi hayo. Zwino ri khou i hudza, u itela uri ri kone u i vhea kha bo—bodo ya khunguwedzo ngei nnđa, uri ni kone u i vhona.

²⁵ Ri a livhuwa nga maanda tshilidzi tsha Mudzimu tsho diswaho ngomu ha hashu... riñe Vhuhoneni Hawe kha ili ḋuvha. Zwino ri a livhuwa zwithu zwinzhi.

²⁶ Zwino ndi elekanya uri ndi ḋo sedza ngomu hafha huno nda vhona arali ndi tshi nga wana dziňwe, dziňwe notsi kana tshiňwe, tshiňwe tshithu-vho tshe nda amba nga hatsho. Kana, nda ri wanelu liňwe lushaka lwa tsha—tsha... ndo wana liňwe liňwalwa lo ḋwalululwa, nga iňwe ndila, murahu ngomu hafha buguni. Arali ndi tshi nga wana liňwe, khamusi Murena u ḋo nnea tshiňwe tshithu tshine nda ḋo amba nga ha tshiňwe tshithu, musi ri tshi rabela.

Zwino ri kha ndavhelelo ya Swondaha.

²⁷ Ndo vha ndi tshi khou amba Milaedzani. Huno, nga Swondaha, ndo ni dzudza hafha tshifhinga tshilapfu, nga ha, “Ndi ngani ni tshi nndilela? Ambani na vhatu huno ni ye phanda.”

²⁸ Zwino, Swondaha ndi tshumelo ya phodzo hune vhalwadze vha do rabelelwa. Zwino, ni ya kha vhalwadze, huno hu tea u vha na tshiitisi tshine vhalwadze, musi ri tshi vha rabelela, vha sa fhole. Huno ndi ḍoda u ita, arali Murena a tshi funa, u tou itela theru pfufhi nga matsheloni a Swondaha, na yone-vho. Ngauralo, ndi khou yo vha na tshumelo ya phodzo, nahone nda rabelela vhatu vhoṭhe. Huno Billy Paul kana vhaňwe vhavho vha ḋo vha fhano nga matsheloni a Swondaha, i tshi ḍodou rwa awara ya malo n̄tha ha tshithoma, musi kereke i tshi vula, u nea vhatu dzigaraṭa musi vha tshi dzhena muṭangoni, kana tshifhinga tshinwe na tshinwe vha tshi dzhena.

²⁹ Huno zwino, zwenezwo, ndi ḍodou lingedza, ndi tenda uri Murena o nnea u pfectesa huṭuku nga iňwe ndila nga ha zwiitisi zwauri ndi ngani hu na vhaňwe vhatu vha songo fholaho. Huno ndi—ndi a tenda uri ndi u shaya pfecteso. Huno ndi—ndi a tenda, khamusi, ri ḋo amba nga ha hezwo, nga matsheloni a Swondaha, Murena a tshi funa.

³⁰ Zwino, muṭangano wa thabelo wa vhusiku ha Lavhuraru u tou vha muṭangano mupfufhi hune ra kuvhangana huno ra rabela, sa zwe ra ita, nahone ra ḋowelana.

³¹ Tshiňwe tshifhinga, ndi—ndi tenda uri tshithihi tsha zwithu zwihiulwane zwine nda zwi wana kha ḋuvha ili, ndi u shaeya ha u fulufhedzea kha zwine ra tenda. Ni a vhona? Ni a vhona? Arali Mudzimu, mađuvhani a John Wesley, o vha a tshi ḋo vha o ita nga ilo ḋuvha zwe A ita n̄amusi, zwo vha zwi tshi ḋo vha zwo itani; mađuvhani a Martin Luther, kana mini? Vhunga zwine ra Mu vhona a tshi zwi ita, zwo sumbedzwaho nga Tshivhidzo, nga Muja; na nga saints, na nyito iňwe na iňwe, muvango wazwo—wazwo u tea u limuiwa. Na Ipfi la Mudzimu hafha li tshi Vhu ḋivhadza na u Vhu amba Vhu sa athu khunyelela. Huno zwenezwo a tshi shuma, nahone a tshi porofita, nahone a tshi

khou sumba tshenetsho tshithu tshe A amba. Tshi do khunyelela tshothe-tshothe, tshe A amba kokotolo. Huno ri kha di vha ro dzula u nga ri a teledza, hu tshi nga ri a mangala. "Zwo ralo, ndi a mangala arali izwo zwi tshi amba nne? Ndi a mangala arali zwi tshi amba tshi—tshivhidzo fhedzi, nga vhudalo. Kana—kana, ndi a mangala arali nne ndi tshi katelwa zwa vhukuma Khatsho?" Ndi a elekanya, nga matsheloni a Swondaha, ndi do lingedza u amba nga ha miñwe ya iyo milayo ine i nga ri vhonestshela ziñuku.

³² Zwino, madekwana a ñamusi, ndo wana tshiñwe tshithu, itonu rembulutshela khatsho hafha, ngauri ndi tsela fhasi. Nda elekanya, "Mini-ha arali Murathu Neville, arali ndi tshi tsela fhasi hangei, u swika hune a ri, 'Takuwani huno ni ambe,' huno nda sokou dzula fhasi"? Ni a vhona? Nda elekanya, "Ndi khwine ndi tshi ñwala Mañwalo o vhalahonyana." Ngauri, ndi a ñivha, u, u tou vha murathu wavhuđi, huno ri—ri a mu takalela.

³³ Ri sa athu rabelela Ipfi, ndi ɻođou limuwa mu—mukomana. Ndi nga si vhuye nda kona u vhidza dzina lawe nga tshino tshifhinga, vhuvhili havho. Vha fhano, khonani dzanga. Ndi... Ndi vhashumeli na vhaevangeli, mudavhini, vha bvelaho nnnda. Vho pfa iyi Milaedza nga theiphi. Huno vha bva kha zwivhidžo zwa dinomineisheni zwo fhambanaho, vhathu vhañuku vhaswa. Huno mutukana, muñwe wavho o zwi takalela nga maanda, u swika a tshi fhufhela ngei, Tucson, zwa zwenezwino, muñangano u tshi vala. Ndi tenda uri ndo vha ndi kha Vhuragane ha Vhanna vha Bindu. Huno muthu muswa, muthu muswa wavhuđi, u a ña. Huno u...

³⁴ Vha bva Kansas. Huno vha ña fhano vha tshi bva kule uri nne ndi vha malise. Ndi a zwi takalela hezwo. U elekanya uri vhathu vha no tenda thabelo dzanu, lwo edanaho, vha a tenda uri Mudzimu u ño pfa nahone a fhindula; vhathu vhaswa vha tshi khou thoma vhatshiloni, ngaurali. Huno musi vha tshi swika fhano uri nne ndi vha malise, mulovha, u ɻodisisa zwine mulayo wa shango la Indiana wa ɻoda, nahone naho vhe na ndingo dzavho dza malofha, u lindela fhano shangoni, mañuvha mararu, vha sa athu vhingiswa. Ngauralo, vha nga si kone u maliswa u swika nga matsheloni a Łavhuñanu.

³⁵ Huno ndi do humbela mukomana washu hangei magumoni, arali a tshi do tou ima huno a ri vhudza uri ndi ene nnyi, na mufumakadži wawe wavhuđi muñuku hangeyo, na mukomana a tevhelaho.

³⁶ [Mukomana u ri, "Ndi a ni livhuwa, Mukomana Branham. Ndi u tondwa u vha fhano. Huno nne ndi... Mukomana Roger na nne ri dzula ngei Kansas, ndi enda mudavhini, sa muevangeli, ndi tshi amba, 'Yesu u a tshidza, u a fhodza, nga lutendo kha Yesu...?' Tshifhinga tshothe ndi vha ndo hwala...?... Hoyu ndi mufunwa wanga, Patricia Brown. Ri khou yo vhingiswa,

nga Lavhuțanu. Muevangelī-mushumisani na mushumisani, Mukomana Ronnie...?...magumoni. Huno Vho-Peetree kha eneo mathihi...?...”—Mudz.]

³⁷ Ndi a ni livhuwa, nga maanda. Zwa vhukuma ri tamela avha vhaambasada vhaswa, mushumo wa Murena Yesu, phaṭhutshedzo dza Mudzimu, u vha engedzedza luvhilo ndilani. Huno vhunga ndi tshi khou mangala, ndo lindela U Da ha Murena, nahone ndi tshi vhona vhanna vhaswa na vhasadzi vhaswa vha na ndivho mbiluni, ya u shumela Kristo, izwo zwi a nnyanyula, ni a vhona, u vha vhona vha tshi aluwa ngaurali. Murena a ni fhaṭutshedze, nga maanda, mukomana wanga, khaladzi.

³⁸ Zwino kha ri rembulutshele kha Bugu ḥukhu ye na kathihi nda si ambe zwi bvaho khayo, vhutshiloni hanga. Huno nga maanda ndi... Itou vha na ndima nthihi, Bugu ya Filemone. Huno ndi...

³⁹ Nne ndi tou vha Muairishi zwitku, huno ndi—huno ndi na lurale u mona na mano anga a fhasi, u ita uri a re a si gathi murahu a vhe vhuimoni. Tshiňwe tshifhinga a thi buli aya madzina zwone, musi ndi tshi ɖivha zwine a vha zwone. Huno tshiňwe tshifhinga a thi koni u a bula nga ndila yone, nga nthami ha u shaya pfunzo. Ngauralo, “Filemone,” muňwe o amba hangei murahu, zwine nda elekanya uri ndi kubulele ku re kwone zwa vhukuma kwalo.

⁴⁰ Zwino, ndimana ya 1, ndi ṭodou dzhia fhedzi ipfi kana mavhili khayo.

Paulo, tshivhotshwa tsha Yesu Kristo, . . .

⁴¹ Huno ayo ndi one ane nda ṭodou a shumisa madekwana a ńamusi, sa lińwalwa, Murena a tshi funa, ndi: *Tshivhotshwa*.

⁴² Zwino, no vha ni si nga koni u humbula Paulo a tshi ɖidzhia sa tshivhotshwa. Munna o bebwaho o vhofholowa, o ɖalahlo Muya Mukhethwa, fhedzi naho zwo ralo u ɖivhidza “tshivhotshwa.”

⁴³ Huno zwino ri a ṭodisisa, musi a tshi khou amba na Vhakorinta, “Paulo, muapostola wa Yesu Kristo.” Nga tshiňwe tshifhinga, “Paulo, mulanda wa Yesu Kristo nga lufuno lwa Mudzimu,” musi a tshi khou amba na Timotheo, avho vho fhambanaho. Zwino musi a tshi khou ńwalela Filemone hafha, o ri, “Paulo, tshivhotshwa tsha Yesu Kristo.” “Paulo, muapostola,” ndi do takalela u rera nga ha hezwo vhuňwe vhusiku. “Paulo, mu—mulanda,” nda rera nga ha hezwo. Huno zwenezwo, “Paulo, tshivhotshwa.”

⁴⁴ Fhedzi, madekwana a ńamusi, sa izwo zwi tshi do dzhia dziawara u sedzesu ińwe ya dzīthoho, ndi do takalela u dzhia, madekwana a ńamusi, “Paulo, tshivhotshwa,” huno nda dzhia thoho ya: *Tshivhotshwa*.

Zwino kha ri kotamise zwifhaṭuwo zwashu lwa tshifhinganyana.

⁴⁵ Murena Yesu, munna muňwe na muňwe, ane nga muvhili a kona, a nga vula masiaṭari a ino Bivhili, fhedzi Muya Mukhethwa u wothe u nga I ḥalutshedza nga ndila ye la nwalelwā yone. Ri a U humbelā u da zwino huno wa ri farisa u pfectesa zwe heyi ya, ya ambiwa, nga hoyu muporofita muhulwane, wa maanda, Paulo, huno naho zwo ralo u divhidza "tshivhotshwa." Ngavhe Muya Mukhethwa u tshi ri dzumbululela hezwi musi ri tshi Mu lindela, Dzinani la Yesu Kristo. Amene.

⁴⁶ Zwino ndi a humbula, Paulo, musi a tshi nwalela Filemone ulu luňwalo, uri o vha o dzula hani khotoni, heneffho fhasi nduni ya mulindi ya uno mudi, tshi—tshi—tshivhotshwa. Huno o kona u zwi ḫivha zwavhuđi, nga vhuimo hawe zwe ipfi la amba. O vha o tingeledzwa nga—nga—nga dzingole. O—o kona fhedzi u vhofhololwa musi muňwe a tshi mu vhofholola. Huno o zwi ḫivha zwe zwa vha zwi zwone u vha tshivhotshwa. Huno zwenezwo, hafhu, ndi a tenda uri mu—muapostola o amba fhedzi zwičku... a sa zwi ambeli kokotolo nyimele yawe ya itsho tshifhinga, e tshivhotshwa tsha—tsha muvhili wawe wo dzulaho hafha ngomu ha iyi—ngomu ha iyi khotro. Fhedzi ndi tenda uri o vha a tshi khou amba nga ha vhuthu hawe—hawe, mya wawe—wawe—wawe, lufuno lwawe, e tshivhotshwa tsha Yesu Kristo.

⁴⁷ Zwino, rothe ri bebwa, ri muthu o vhofholowaho, u dzhia tsheo inwe na inwe ine ra ḥoda. Mudzimu u ita hezwo nga u luga. Ngauri, U fanela u vhea muthu muňwe na muňwe kha tshimo tshenetsho tshithihi, kana O vhea muthu a si ene kha... O vhea muthu wa u thoma kha tshimo tsho khakheaho, we A mu vhea kha u vha muthu o vhofholowaho. Ni a vhona? Ri tou vha zwenezwo kokotolo, madekwana a ḥamus, vhunga Adamu na Efa. A hu na phambano. Zwi re zwone na zwo khakheaho zwo dzula phanda ha muňwe na muňwe washu. Vhutshilo na lufu, ri nga ita tshinangiwa tshashu; zwi kha inwi, u tshi ita. Ni a vhona?

⁴⁸ Heyo ndi ndila ye Adamu na Efa vha ita ngayo, huno, ni a vhona, huno—huno vho ita tshinangiwa tsho khakheaho. Huno zwino, nga hetsho, vha vhea lushaka lwothe, lushaka lwa vhathu, fhasi ha lufu, tshigwevho tsha lufu.

⁴⁹ Huno zwenezwo Mudzimu a tsa nga tshivhumbeo tsha muthu huno a dzhia ulwo lufu, huno a lifha tshigwevho tsha lufu, tshe a... Vhaluvha Vhawé vhe vha takalela u—u vhofholowa vho kona u vhofholowa.

⁵⁰ Zwino, arali O ri dzhia, nnđani ha ndila yeneyo nthihi ye A ita Adamu na Efa, a tou ri kokodza nga tshiňwe tshithu, ha pfi, "Ndi do ni tshidza kana ni a ḥoda kana hai," zwenezwo O vhea Adamu na Efa kha—kha tshimo tsho khakheaho, ni a vhona. Fhedzi muňwe na muňwe washu u tea u nanga, kha ḫuvha ili, vhukati ha lufu na vhutshilo. Ri nga zwi ita.

⁵¹ Vhunga ndo no amba, arali tshedza tshanu tshi tshi do sumbedza, vhutshilo hanu vhu do sumbedza kokotolo uri inwi ni kha sia lifhio. A thi londi uri inwi ni ri ni kha sia lifhio. Zwine na ita, duvha liñwe na liñwe, zwi sumbedza zwine na vha zwone. No no pfa liambele la kale, "Vhutshilo hanu vhu ita phosho nga maanda, a thi koni u pfa vhuñanzi hanu." Ni a vhona? Miito yanu—yanu i ita phosho nga maanda.

⁵² Tshifhinga tshothe ndo tenda kha u t̄avha mukosi na u fhufha. Fhedzi tshifhinga tshothe ndo ri, "Ni songo fhufhela n̄tha u fhira zwine na tshilisa zwone, ngauri hezwo shango li khou yo zwi sedza." Ni a vhona? Ni fanela u fhufhela n̄tha nga ndila ine na tshila ngayo, ngauralo, ngauri muñwe u khou ni sedza. Huno zwino musi . . .

⁵³ Vhathe a vha nga di tshivhidzoni. Vha—vha, vhanzhi vhavho, vha nga si sokou zwi ita. Huno vhañwe vhavho, vha sa khou ña, ndi vhathe vha fulufhedzeaho. Vho no vhona vhuñda tshivhidzoni, u swika vha si tsha vha na mushumo nazwo. Huno zwifhinga zwinzhi, ri amba ri na muhumbulo u songo t̄andavhuwaho wazwo, lune ni nga si vha nanele, ni a vhona, nga ñwambo wa—wa ndila ine vhathe vha ita. Vha ñividhida Vhakriste. Vha tshikhukhuliso tshihulwanesa tshire shango la vha natsho, ndi munna na vhasadzi vha no ñiita Vhakriste, huno vha tshila tshinwe tshithu tsho fhambanaho na vhuñanzi havho. Ndi zwone kokotolo.

⁵⁴ Zwino, ngauri u shoniswa hu do da Khañhuloni. Zwino, muitazwivhi, murengisi wa halwa, mugembuli, a re phombwe, a—a nga si shone u pfa khañhulo yawe i tshi vhaliva, "U tuwa a dzhena muliloni wa lini na lini." A nga si shone. Fhedzi muthu hoyo a no khou lingedza u ñidzumba murahu ha luñwe lushaka lwa vhuñanzi vhu bulwaho nga tshivhidzo, hoyo ndi ene mutukana a no khou yo shoniswa nga Duvha la Khañhulo. Ni a vhona? Hoyo a no ñiita u nga ri ndi ene Mukriste, huno a tshila nga inwe ndila. Zwi do vha khwine khae a songo vhuya a ita luñwe lushaka lwa u bula vhuñanzi na kathihi, a thoma, u fhira u thoma huno a tshila tshinwe tshithu tsho fhambanaho. Ngauri, ndi ene tshikhukhuliso tshihulwanesa tshire ra vha natsho, ndi tsha uyo mudzia-u-ñiitisa a no amba zwauri u—u—u Mukriste, huno a tshila tshinwe tshithu tsho fhambanaho.

⁵⁵ Tshifhinga tshothe, ni songo hañula vhutshilo hanu nga uri ni na maanda mangafhani a u ita mađembe. Nahone a ri ñihañuli nga uri ri na ndivho nngafhani ya Ipfi. Fhedzi tshifhinga tshothe ñihañulen, sedzani murahu huno ni ñitole uri vhutshilo vhune na tshila vhu khou aña wa mutshelo wa lushaka lufhio zwino. Ni a vhona?

⁵⁶ Vhunga ndo rera tshifhingani tshinwe tsho fhiraho, kha muñtangano wa vhanna vha bindu ngei Phoenix, Arizona, nga ha tshivhoniswa tsha Yesu, a tshi khou vhonisa Vhutshilo ha

Tshikriste. Ndo ri ndo bebelwa hafha nt̄ha Kentucky, hune ha vha hu uri hu kha di tshilwa tshikale nga maanda, nga maandamaanda musi ndi tshee nwana. Huno na kathihi uyu muñwe mutukana muñku ho ngo vha na ha—ha—ha—haya u fana na une ra vha nañho fhano, he ra vha ri na vhafumakadzi vhanzhi-vhanzhi vho nakaho vhe vha do tea u sedza zwivhonini, nduni yoþe, u dzudzanya mavhudzi avho, na zwiñwe-vho. Fhedzi o vha e na tshivhoni tshithihi tshiþuku, tshi tshi tou vha tshipida tshiþuku tsho ombelwaho kha muri nn̄da, he bannga ya u þambela ya vha i hone, he mme na khotsi awe vha þamba, huno vha gama mavhudzi avho, na zwiñwe-vho, kha tshipida itsi tshiþuku tsha tshivhoni tsha kale tsho ombelwaho kha muri.

⁵⁷ Ngoho-ngoho, ulwo ndi lushaka lwa haya lune ra vha nalwo. Nnyi na nnyi a no þoda u vhona tshivhoni, riñe vhana, ro do tea u wana bogisi huno ra namela nt̄ha ha bannga ya u þambela, huno ra sedza ngomu ha tshipida itsi tsha—tsha tshivhoni tshe nda tshi doba, nne muñe, daledalen. Afho ho vha hu si ngei Kentucky. Afho ndi hafha kha la Indiana, nt̄ha fhano kha Utica Pike.

⁵⁸ Zwino, uyu nwana muñku ha athu ðivhona kokotolo nga u ralo na kathihi. Ngauralo, u da mudini, u dalela makhulu wawe vha mukegulu. Huno kha... Tshi lufherani, makhulu vha mukegulu vho vha vhe na nn̄du ye ya vha i na tshivhoni tsho fhelelaho kha munango. Huno ngauralo, mutukana muñku, a tshi khou gidima lu—lufherani, a vhona muñwe mutukana phanda hawe. Huno uyo mutukana muñku o vha a tshi khou gidima, na ene-vho. Ngauralo a elekanya uri u fanela u ima lwa miniti i si gathi huno a vhone zwe uyo mutukana a vha a tshi khou yo ita. Huno musi a tshi ima, mutukana muñku a ima. Musi a tshi rembulusa þohoh yawe, mutukana muñku a rembulusa þohoh yawe. A kweta þohoh yawe, mutukana a kweta yawe. Mafhedziselonni, a sendela, u sedzulusa. Huno a rembuluwa. Huno mme awe vho mu sedza, na makhulu wawe vha mukegulu, nga ganuko. Ha pfi, “Malandu, mma, uyo ndi nñe.”

⁵⁹ Ngauralo nda amba, zwauri, “Riñe, na riñe-vho, ri khou vhonis tshiñwe tshithu.” Ni a vhona? Vhutshilo hashu vhu a vhoniswa.

⁶⁰ Huno zwino, arali ro tshila maðuvhani a Noaxe, naa ro vha ri tshi do dzhia sia la nnyi? Naa ro vha tshi do dzhia sia lifhio kha ilo duvha lihulwane le Noaxe a tshila? Naa ro vha ri tshi do dzhia sia lifhio maðuvhani a Mushe? Naa sia lifhio maðuvhani a Eliya, muporofita, musi shango loþe lo vha li kha nda—ndalo khulwane ya—ya musalauno, vhunga Jesebele wa musalauno, huno a vha o pambusela vhalanda vha Murena vhotshifhe vhotshifhe vho vha vha tshi khou mu gwadamela. Naa no vha ni tshi do vha no dzhia sia la u takalelwa, kana naa no vha ni tshi do vha no ima na Eliya?

⁶¹ Zwino, nahone mađuvhani a Murena Yesu, musi ro vha ri tshi do elekanya nga ha uyu Muthu a sa takalelwi, a songo funzwaho nga shango, hu si na na zwikolo zwe vha vhuya vha kona u zwi wana zwe A ya khazwo, nahone hu si na—hu si na na tshenzhemo ya seminari. Huno—huno zwenezwo a aluswa e na dzina la “mbebo i si mulayoni.” Huno zwenezwo a bva, a tshi khou rera Mafhungo-madifha e a vha o fhambana na tshiňwe na tshiňwe tshe vha vha vho funzwa. Nga maanda . . . Nahone a tshi sathula vhashumeli na madzungano avho, na zwiňwe-vho.

⁶² Huno madzungano o vha o no ita tshi—tshi—tshitatamennde, “Arali nnyi na nnyi o vhuya a yo pfa uyu a no sokou vhidzwa muporofita, u do bviswa sinagogoni,” tshe tsha vha tshi tshi—tshivhi tshi faho. Vho do tea u difhindulela. Ndila i yothe ye vha kona u luvha yo vha i phasi ha malofha a ngwana. Vho do tea u da kha itshi tshithavhelo. Huno—huno zwenezwo vho vha vhe mābambukwa, huno tsho vha tshi tshithu tshihulwane-de.

⁶³ Huno uyu Munna o dihangwisa zwi no nga zwenezwo. Huno nahoh two ralo O vha e na Luňwalo tshothe-tshothe, fhedzi hu si nga ndila ye vha Lu ñivha. Naa inwi no vha ni tshi do vha no dzhia sia liphio? Ni a vhona? Zwino, ni songo. . . Vhutshilo hanu vhune na vhu tshila zwino, vhu vhonisa zwino zwe na vha ni tshi do vha no ita nga itsho tshifhinga, ngauri ni kha ñi vha na maya wonoyo muthihi. Ni a vhona? Arali ni tshi dzhia ñlo sia zwino, navho, no vha ni tshi do vha no ita nga itsho tshifhinga. Ngauri, maya wonoyo muthihi une wa vha ngomu hanu zwino wo vha u kha vhatu nga itsho tshifhinga. Ni a vhona?

⁶⁴ Diabolo ha dzhii maya wawe na kathihi; u tou ūwa kha muthu muthihi wa ya kha muňwe.

⁶⁵ Mudzimu ha dzhii Muya Wawe na kathihi, hai; U bva kha muňwe wa ya kha muňwe. Ni a vhona?

⁶⁶ Ngauralo, Muya wonoyo we wa vha u kha Eliya wo da kha Elisha, wonoyo muthihi kha Yohane Mulovhedzi, na vhaňwe-vho.

⁶⁷ Muya Mukhethwa, we wa vha u kha Kristo, wo da kha vhafunziwa, u tsa phasi hothe, na kha vhatu. Ni a vhona? Mudzimu ha dzhii Muya Wawe na kathihi.

Ngauralo heneffo ro siwa, uri ri nange.

⁶⁸ Huno a—a thi khou vhona hafha he Paulo a vha a tshi khou disola nga ha tshiňwe tshithu, huno a tshi khou ri o khakha nge a vha tshivhotshwa. Fhedzi o vha a tshi khou diamba . . . ndi tenda uri Paulo, musi a tshi ñwala ulu luňwalo nga iyo pene, ho vha hu Muya Mukhethwa we wa vha u tshi khou mu ita uri a ñwale hezwo. Hezwo, khamusi, u swika kha vhuno vhusiku, uri ri nga kona u kokodzela ñhaluso ya ñiňwalwa ñashu nnđa, u sumbedza uri ndi ngani Paulo o ita hezwi. Ngauri, ndi zwa Luňwalo, nahone zwa Luňwalo ndi zwa U Ya Nga Hu Sa Pheli. Ndi tenda, uri, o dzula ngomu ha iyi kholo ya kale ya mulindi,

Paulo o n̄walela mushumisani wawe fhano, zwauri, mukomana wawe, uri o vha e “tshivhotshwa tsha Yesu Kristo.” Ngauralo, o kona u zwi bua nga u vhona zwe zwa vha two mu tingeledza. Zwino, o vha e khotloni, fhedzi hezwo a si zwe a vha a tshi khou amba na, uyu—uyu mulanda wa Kristo, mushumeli e nae. O vha a tshi khou amba uri u tshivhotshwa kha Ipfi la Yesu Kristo, ngauri Kristo ndi Ipfi.

⁶⁹ Huno Paulo o vha e tshikola tshihulwane nga duvha lawe. O vha e na lutamo luhulu. O vha e—o vha e mu—mu—munna we a pfumbudzwa, nga vhathu, muthu ane dzina a pfi Gamaliele, we a vha e mudededzi muhulwane wa duvha lawe, tshiñwe tsha zwikolo zwihiulwane tshe a vha a tshi do vha o ya khatsho. Sa tsumbo, vhunga ri tshi ri, Wheaton, kana Bob Jones, kana tshiñwe tshikolo tshihulwane tsha ndeme. O vha o funzwa sa—sa—sa mushumeli wa Ipfi. Huno o vha o funzwa zwavhuđi, huno o thanya, nahone e mutukana o ćalifhaho a re na lutamo luhulu khamusi lwa uri línwe duvha a vhe tshifhe kana tshifhe muhulu kha vhathu vha hawe.

⁷⁰ O vha e na lutamo. Huno zwenezwo u wana, zwauri, holu lutamo luhulu lwe a pfumbudzelwa lwone, nahone a vha o no tshila vhutshilo hawe hothe, u bva khamusi kha vhukale ha miñwaha i no ćodou swika ya malo kana ya fumi, u swika kha i no ćodou swika ya furaru kana furaruthanu, musi a tshi fhedza kholidzhi nahone a ambara; huno o vha e na dipuloma dzawe dzothe na tshiñwe na tshiñwe, nahone o ima zwavhuđi na mi—mirado zwayo yothe, na kha tshifhe muhulu ngei Yerusalem. O vha e na ndaela dzi bvaho ha ene, ndaela dzawe, dzo n̄walwa, nahone dza tendelwa nga Saulo uyu muhulwane, “U tsela fhasi Damaseko na u wana avho vhothe henefho fhasi vhe vha luvha Mudzimu lwo fhambanaho na zwe a amba, na u vha vhofha nahone a vha panga khotloni. Arali zwi tshi ćodea, o vha e na ndaela dza u vha vhulaha, arali o ćoda u ralo.” O vha . . . O vha e na lutamo luhulu.

⁷¹ Huno zwino, zweithe zwe a zwi gudela, Mudzimu o zwi bvisa zweithe khae. Ni a vhona? Huno zwe ndivho yawe ya vha i zwone, na zwe khotsi awe vha shumisela tshelede yavho khazwo, na lutamo lwa khotsi awe na mme, zweithe zwe vha zwe zwa dzhiwa khae nge uyo—uyo Mudzimu a vha e na tshiñwe tshithu-vho. Ngauralo-ha, o vha e tshivhotshwa zwi tshi bva kha ndivho yawe ye a vha e nayo vhutshiloni, nahone o no vha tshivhotshwa kha Yesu Kristo, We a vha e Ipfi.

⁷² Iyo ndila ya u ya Damaseko yo shandukisa Paulo. A tshi khou tsela fhasi, i tshi ćodou rwa awara ya fuminthihi n̄tha ha tshithoma, khamusi, nga duvha, le a rwiwa a wela fhasi. Huno a pfa Ipfi, li tshi ri, “Saulo, ndi ngani u tshi Ntovhola?” Huno a sedza n̄tha. Huno a tshi sedza n̄tha, e Muyuda, nahone o zwi divha uri Khavhu ya Mulilo yo vha i Murena we a ranga phanda

vhana vha Israele, nge a zwi ḋivha uri izwo ndi zwe Ya vha i zwone.

⁷³ Elelwani, uyu Muheberu o vha a tshi do vha o vhidza tshiniwe tshithu “Murena,” danzi M-u-r-e-n-a, Elohim, nn̄dani ha musi o vha o no fushea uri izwo ndi zwe Ya vha i zwone, nge a vha e tshikola tsho pfumbudzwaho. Huno musi a tshi sedza nt̄ha, nahone a vhona Hetshi, Tshedza, Khavhu ya Mulilo ye ya ranga phanda vhathe vha hawe sogani. Huno a ri, “Murena,” Elohim, danzi M-u-r- . . . “Murena, ndi Iwe Nnyi?”

⁷⁴ Huno tshi do vha tsho vha tshimangadzo-de kha uyu mudivhi wa theolodzhi, u ri, “Ndi nne Yesu,” Ene onoyo we a vha a tshi lwa nae nga maanda. Ndi—ndi tshanduko-de! Oo! Oo! Hu fanela u vha ho vha tshiniwe tshithu tshi ofhisaho kha uyu munna, zwe lutamo lwawe lwothe lwe a vha e nalwo, u wanulula, nga khathihi fhedzi, a vha a tshi khou tovhola. Lutamo lwawe lwo mu swogela ngei—ngei kule na tshithu tshihulwane tshe a vha a tshi todou tshi ita. Huno li fanela u vha lo vha dzhe—dzhenewo likulwane lifhio, kha uyu muapostola, musi A tshi ri, “Ndi nne Yesu,” Ene onoyo we a vha a tshi khou mu tovhola. “Ndi ngani u tshi Ntovhola?”

⁷⁵ Muñwe muredzo muñuku une ri nga u posela ngomu hafha. Ni a vhona, musi vha tshi tambo nga Tshivhidzo, zwa vhukuma a vha khou tambo nga Tshivhidzo, vha khou tambo nga Yesu. “Ndi ngani u tshi Ntovhola?” Naa Paulo o vha a tshi nga kona hani u tenda-ha, e na vhuñali hawe hothe, uri Itshi tsho vha . . . uri itshi Tshigwada tshe a vha a tshi khou tshi tovhola o vha e onoyo Mudzimu we a vha a tshi ima kha la uri u a mu shumela? Ndi elekanya uri izwo ndi zwone, nga nnda ha u talutshedza nga u dodomedza, ndi elekanya uri rothe ro pfumbudzwa lwo edanaho u ḋivha zwine nda khou amba hafha. Zwenezwo zwithihi zwi khou bvelela ñamusi.

⁷⁶ Paulo, nga u sa londa, o vha o ḥalifha nahone o thanya, o thanya u fhira vhalā Vhagalileo vha songo funzwaho vhe a vha a tshi khou vha tovhola, vhe nga u ḋitukufhadza havho vha vha who no di ḥanganedza uyu Munna sa Murena. Fhedzi, Paulo, kha pfunzo khulwane yawe na vhañali vhawé, a vho ngo kona u ḥanganedza Hezwo. Huno ndi tshanduko-de i fanelaho u vha khae, ndilani iyi. Huno o rwiwa a vha bofū, u itela uri a songo vuledza ndaela yawe, fhedzi o dededzwa a iswa fhethu tshiṭarañani tshi no pfi Tswititi, na mn̄du ya muñwe.

⁷⁷ Huno zwenezwo ha da muporofita heneffo fhasi, ane dzina a pfi Ananiasi, we a vhona kha bono, a tshi tsela fhasi, a vhona he a vha e hone, a tsela fhasi he a vha e hone, huno a dzhena. Huno a ri, “Mukomana Saulo, Murena o bvelela kha inwi fhasi nqilani; o nthuma, uri ndi vhee zwanda zwanga kha inwi, huno inwi ni ḥanganedze u vhona hanu nahone ni ḋale Muya Mukhethwa.”

⁷⁸ Ni a vhona he a vha e hone. Tshi—tshi fanela u vha tsho vha tshithu-de kha Paulo nandi! Ni a vhona? Zwoṭhe zwe a vha o pfumbudzwa u zwi ita two vha zwi nga iñwe ndila. Ngauralo zwino, na—na pfunzo yoṭhe ye a vha e nayo, yo—yo vha yo no tou vha liphedzi khae.

⁷⁹ Zwino, o zwi ḋivha uri u na tshenzhemo. Ngauralo ngeyi iñwe ngudo yavhuđi yashu, ya uri, tshenzhemo i yothe a yo ngo eđana. I tea u vha tshenzhemo u ya nga Ipfi la Murena. Ngauralo, ene a tshi vhona hezwi, huno a zwi ḋivha uri Lo vha li Tshiňwe tshithu tshihulwane, zwenezwo, uyo muñwaha muthuvho o Li ḥanganedza phanda hawe, o dzhia miñwaha miraru na miñwedzi ya rathi fhasi ngei pha—phangani kha la Arabia; a tshi dzhia bi—Bivhili, sa zwe Ya vha i zwone tshifhingani itscho, Testamente Ndala, huno a tsela henengei fhasi, u—u vhambedza iyi tshenzhemo ye a vha e nayo, nahone a vhona arali Yo vha i ya Luñwalo.

⁸⁰ Zwino mini-ha arali o ri, “Zwo ralo, ndi humbulela uri iyo yo vha i tshi tou vha tshi no do ngalangala tshiṭuku,” huno a bvela phanda? “Ndi khou yo tevhela vhuṭali hanga”?

⁸¹ Zwino, o do tea u valelwa kha tshiňwe tshithu, dzhele. Ngauralo nga murahu ha u zwi vhambedza, nahone a tshi khou vhona, a zwi mangadzi o kona u ñwala Bugu ya Vhaheberu, nga tshifanyiso. Ni a vhona? Miñwaha miraru na hafu henengei fhasi, e kha Ipfi, huno a tshi khou ḥodisisa uri Mudzimu onoyo we a mu vhidza o vha a tshi khou mu vhuayedzedza murahu, nahone a tshi khou shandukisa vhuṭali hawe hoṭhe, a tshi khou shandukisa zwoṭhe zwe a vhuya a elekanya, zwoṭhe zwe a gudela u vha zwone. Lutamo Iwawe lwoṭhe, u tou lu phumula khae, huno a vha tshivhotshwa. Lufuno Iwa Mudzimu lwo vha lu luhulwane, nahone nzu—nzumbululo yo raloho, ye a si kone u I ḥutshela.

⁸² Iyo ndi tshenzhemo ya ngoho ya mutendi wa vhukuma a no ḥangana na Mudzimu. Inwi—inwi ni kwamana na Tshiňwe tshithu tshi re tshihulwane nga maanda, tsha uri inwi...tsha uri—tsha uri inwi ni vha tshi—tshivhotshwa, kha tshiňwe na tshiňwe-vho. Ni a vhona? Inwi—inwi ni ḥutshela kule ha tshiňwe na tshiňwe, uri ni ḋivalele kha Heyi.

⁸³ Zwo bulwa tshiňwe tshifhinga he Yesu a ri, “Muvhuso wa Tađulu ndi tshiňwe tshithu tshi no nga munna a tshi renga dzinungu. Zwenezwo musi a tshi wana iyo Nungu khulwane, u rengisa zwoṭhe zwine a vha nazwo, uri a wane Heyo.”

⁸⁴ Huno iyo ndi yone ndila hafha. Inwi—inwi ni na muṭalukanyo wa vhuṭali, ni na tshe—tshe—tshe—tshenzhemo ya theolodzhi; phedzi musi zwi tshi da kha tshifhinga tshire musi ni—ni—ni tshi wana Tshithu tsha vhukuma zwa vhukuma, ni—ni tou rengisa tshiňwe na tshiňwe-vho, huno na ḋivalelela ngomu ha Hetshi.

⁸⁵ Paulo o ḋivha uri tsho vha tshi tshini. O—o wanulula uri o vha o paniwa kha Tshiňwe tshithu. Vhunga ri tshi pana be—be—

bere, ndi u—ndi u kokodza tshiñwe tshithu. Huno Paulo o zwi divha, nga murahu ha tshenzhemo iyi, na miñwaha miraru na hafu ya u fanyisa tshe—tshenzhemo ye a vha e nayo, na Bivhili, a limuwa uri Mudzimu o mu nanga nahone a mu pana nga Muya Mukhethwa, tshenzhemo ye a vha nayo, u kokodzela Mafhungo-madifha vhuhoneni ha Vhann̄a. Muya, Wone uñe, wo mu pana.

⁸⁶ Huno, ñamusi, sa vhalanda vha Kristo, ri a paniwa, ra hungiwa. Ri nga si tuwe. Ro vhofhekana Nalo, ra paniwa kha Ipfi. A hu londwi uri muñwe-vho uri mini, no paniwa Khało. Hu na tshiñwe tshithu nga Halo, tsha uri ni nga si tou kona u tutshela kule Halo. No kungelwa kha dzhogo Nalo, nga Muya Mukhethwa, wo ni kungela kha dzhogo na Ipfi. A hu londwi uri muñwe-vho u ri mini, Ndi Ipfi. Tshifhinga tshothe itsho tshi paniwa Nalo, tsha dzheniswa dzhogoni Nalo. Kha Ipfi, nga Muya, o vha o paniwa.

⁸⁷ O vha o no guda mu—murahu ha phanga ya henengei Arabia. Musi, zwithu zwawe zwa u ranga zwothe, na tshenzhemo, na lutamo, zwenezwo, o vha o no bvulwa izwo zwithu.

⁸⁸ Zwino, afho ndi hune ra wana, ñamusi, zwauri ri fanela u thoma, ra bvulwa. Huno vhathu a vha ḫodi u bvulwa. Mukomana wa Mumethodisi u ḫodou fara zwiñuku zwa pfunzo yawe ya Methodisi. Uh-huh. Mukomana wa Mubaphuthisi u ḫodou fara zwiñuku zwa pfunzo yawe ya Baphuthisi. Ni a vhona? Fhedzi zwa vhukumakuma ni tea u bvulwa tshiñwe na tshiñwe, nahone na tou bebwa hafhu, nga huswa. Huno zwi dzhieni u bva heneffo, ni tendele Muya Mukhethwa u ni ranga phanda. Inwi ni nga si kone u ri, “Zwo luga, zwino, khotsi anga—anga vho ri, musi o no dzhena, o no dzhena kerekene, o khada mufunzi. Ene, ndi murado wavhudzi a fulufhedzeaho.” Izwo zwi nga di vha zwo vha zwo lugela lushaka lwa hawé, fhedzi riñe ri luñwe lushaka. Ni a vhona? Zwino ri fanela u vhuyelela kha zwifhinga zwa Bivhili zwa lino ñuvha.

⁸⁹ Vhotshifhe vho vha vho paniwa, na vhone-vho. Fhedzi, ni a vhona, vho no da nga hangeno kha tshiñwe tshifhinga, huno vha—vha kundelwa u bvula u paniwa havho ha kale huno vha ambara u paniwa huswa.

⁹⁰ Huno ri wana zwenezwo zwithihi ñamusi. Ro da ra fhira kha tshikhathi tsha dinomineisheni, vhunga ro sumbedza kha zwikhathi zwa tshivhidzo, Bivhili, na zwiñwe-vho, fhedzi zwino ri da kha tshikhathi tsho vhofholowaho, hune Muya Mukhethwa Wone uñe wa tsa huno wa Dikhwañhisédza, nahone wa Didivhadza, wa ita uri pfufufhedziso iñwe na iñwe ye A fulufhedzisa, i khunyelele. Yawee, nnënne! Ndi tshifhinga tshihulwane-de nandi!

⁹¹ Huno o zwi divha uri, tshiñwe tshithu, tshe a tshi divha tsho vha tshi tsha uri o vha a nga si kone u ya fhethu. Uri, o paniwa kha Heyi, o vha a si nga koni. Izwo o zwi ita, fhedzi o—

o Ძoda u ya. O zwi divha uri lutamo lwawe lwo mu kokodzela vhukati ha vharathu he a vha o rambiwa, huno naho zwo ralo o kombetshedzwa nga Muya u ita tshiñwe tshithu-vho. O vha e si wa ene muñe.

⁹² Khamusi muñwe muthu o vha a tshi nga ri, “Mukomana Saulo, Mukomana Paulo, ri Ძoda uri ni de nga hangeno, ngauri ri na tshivhidzo tshihulusa. Ri na tshivhidzo tshihulusa. Mitendelo yanu i do vha mihulwane, na zwiñwe-vho.”

⁹³ Fhedzi a tshi khou kombetshedzwa nga Muya, o elekanya, “Ndi na mukomana nga hangei. Ndi do takalela u ya nda tshidza uyu mukomana, nda mu isa ha Murena.” Fhedzi, naho zwo ralo, Muya wo mu kombetshedza u ya huñwe fhethu-vho. O vha e tshivhotshwa. Ndi zwone.

⁹⁴ Oo Mudzimu, ri ite zwivhotshwa nga u ralo, ri tshi bva kha lutamo lwasu lwa tseda, na kha khathulo dzashu na ndila yashu ya u elekanya ya khwine, ra vha tshivhotshwa tsha Yesu Kristo. Ndi elekanya uri itsho tsho vha tshi tshitatamennde tshihulwane, tsha uri, “Ndi tshivhotshwa kha Yesu Kristo.”

⁹⁵ Huno elelwani, U Ipfi. Ni a vhona? A hu londwi uri muñwe muthu-vho u elekanyani, ndi Ipfi. Ni a vhona? Arali inwi ni tshivhotshwa kha Ipfi, a hu na dinomineisheni ine i nga ni bvisa Khalo. Ndi—ndi Ipfi. Ni tou vha . . . Ni tshivhotshwa Khalo, ndi zwenezwo fhedzi. Ni fanela u ita nga ndila ine La ita.

⁹⁶ Zwino, ho ngo kona u ya huñwe fhethu he a Ძoda, ngauri (mulandu?) Muya wo mu dzivhisa. Elelwani, zwifhinga zwinzhi, zwe Paulo a vha a tshi khou lingedza u ya huñwe fhethu, a tshi khou elekanya, “Henengei ndi hone he nda vha ndi tshi do vha na muñangano muhulwane,” fhedzi Muya wo vha u tshi do mu dzivhisa. Zwino, naa izwo zwi a amba zwa pfala nahone zwa sumbedza uri Paulo o vha e tshivhotshwa? [Tshivhidzo tshi ri, “Amene.”—Mudz.] Tshivhotshwa kha Yesu Kristo, no paniwa kha Ipfi Lawe, nga Muya! Oo! Ndi a zwi takalela hezwo. Uh-huh.

⁹⁷ O vha o vhoxwa. O vha o vhoxwa nga ngeđane, na nga matzimbi a lufuno, u ita lufuno lwa Mudzimu, nahone lwonolwo fhedzi. O vha e tshivhotshwa. O vha e matzimbini a lufuno. O vha e dzhogoni na Kristo. Ho ngo kona u vha dzhogoni na tshiñwe tshithu-vho. O vha e dzhogoni Nae. Huno he Murangaphanda a ya, afho ndi he a do tea u ya. Hu sa londwi uri pfulo dala yo vha i hani, hafha thungo *heyi* kana thungo *heyo*, o do tea u ya nga ndila ye Murangaphanda na dzhogo zwa ya.

⁹⁸ Oo, madekwana a ñamusi, arali riñe, sa Thaberenakele ya Branham, ro vha ri tshi nga vha fhedzi zwivhotshwa; kha muthu washu wa tseda, kha lutamo lwasu, uri ro vha ri tshi nga dikumedza tshothe nahone ra vha dzhogoni Nae, hu sa londwi zwine shango lothe la elekanya, zwine shango lothe la ita. Ri dzhogoni na matzimbi a lufuno. Ri zwivhotshwa. “Milenzhe

yanga i dzhogoni nga maanda kha Kristo lune, i nga si tshine. Maṭo anga a dzhogoni nga maanda kha Kristo, u swika nne, musi ndi tshi vhona avha vha no ḋibvula vhe tshiṭaraṭani, A rembulusa ṭhoho yanga. Mbilu yanga—yanga i dzhogoni nga maanda lufunoni Khae, u swika ndi si tsha kona u vha na lufuno kha ili shango, futhi na luthihi. Lufuno lwanga lu dzhogoni nga maanda Khae, u swika ndi si tsha ḋivha zwino zwine lutamo lwanga lwa vha zwone. Fhedzi, ‘Huňwe na huňwe hune Wa ranga phanda, ndi do tevhela, Murena.’ Ndi do vha tshivhotshwa.” Ni a vhona?

⁹⁹ Paulo ndi zwone o vha e tshivhotshwa. O vha a sa khou ita tshitatamennde tsho khakheaho. O vha o pfumbudzwa nga Muya Mukhethwa, hafhu, u lindela kha Ipfi. Zwino, o vha o no pfumbudzwa nga inwe ndila, fhedzi—fhedzi Mudzimu o mu gudisa nga inwe ndila zwino. O gudiswa nga Muya Mukhethwa u lindela kha Murena, hu sa londwi uri lutamo lwawe lwo vha lu mini.

¹⁰⁰ Zwino ndi khou ya, nga pfariso ya Muya Mukhethwa, u ni sumbedza tshiňwe tshithu. Ni a vhona? Zwino kha ri dzhie tsumbo.

¹⁰¹ Liňwe ḋuvha, Paulo na Silasi, vha tshi khou tsa nga tshiṭaraṭa muňwe muđini he vha vha vho fara mvuseledzo. Huno musidzana muđuku, a re na dimoni a dzulela u mu tevhela, a tshi khou mu vhidzelela. Huno a hu na thimothimo ya uri Paulo o zwi ḋivha uri u na maanda, sa muapostola, u kaidza uyo muya muvhri uri u bve kha uyo musadzi. Fhedzi naa no zwi dzhie nzhеле? O lindela, ḋuvha na ḋuvha, u swika, kathihi fhedzi, Muya Mukhethwa u tshi amba nae, wa ri, “Iyi ndi awara.”

¹⁰² Zwenezwo a ri, “Iwe muya, ibva khae.” Ni a vhona? O ḋivha u lindela kha Murena.

¹⁰³ Huno afho ndi hone hune vhathe vhanzhi namusi vha disa lunyadzo kha Ipfi. Vha bva vha na lutamo. Ndi mvuseledzo ngana dzo litshwaho dzi si na nungo nga nthani ha tshithu tsho raloho, ngauri muevangeli ha lindeli u vhona zwine Murena a tea u amba! Vhaňwe vhavho vha ri, “Idani nga hangeno,” huno vha—vha tuwa zwa zwino ngauri nya—nyandano yo ri, “Iyani.” Huno Muya Mukhethwa wo vha u tshi do amba tshiňwe tsho fhambanaho. Naho zwo ralo, lutamo lwa muthu lwa u vha tshifhe wa shango, kana—kana tshiňwe tshithu, kana muňwe muhulwane, kana muňwe mubishopo, kana tshiňwe tshithu lwo vha lu tshi do mu kokodza, “Ni tea u ya.” Huno, naho zwo ralo, u ḋivha zwa khwine. Muya Mukhethwa u tshi khou ri, “Iya hafha.” Ni a vhona? U dzhogoni ya dzangano ḥawé. U tshivhotshwa kha dzangano.

¹⁰⁴ Fhedzi arali o dzhena dzhogoni kha Kristo, u khadwa nga Muya Mukhethwa. U...?... Ni a vhona? U, o dzhena dzhogoni, tshivhotshwa. A zwi iti phambano zwine tshiňwe tshithu-vho

tsha amba; ndi—ndi mu—ndi mu—musinaseṭha u bvumaho na tsimbi i lilaho. U pfa fhedzi Ipfi la Mudzimu, nahone u amba fhedzi musi Li tshi bva. Ha ambi tshithu.

¹⁰⁵ Muňwe u ri, “Oo, oo, Mukomana Jones!” Mukomana Roberts, kana vhańwe, avha vhanna vhahulwane shangoni la hashu ḥamusi, vhunga Tommy Hicks, kana—kana—kana Oral Roberts, kana—kana Mukomana Tommy Osborn, vhańwe vha avho vhaevangeli vhahulwane. Arali muňwe o vha a tshi ḫo ri, “I ri ni, idani nga hangeno, Tommy. Ni munna muhulwane wa Mudzimu.” (Kana Oral.) “Huno ndi—ndi na ma—malume vho edelaho hafha, uyo o—uyo o vhoxwaho tshoṭhe. Huno u—u a lwala. Ndi ḫoda ni tshi ḫa nga hangeno. Ndi tenda uri ni na maanda a u mu fhodza.” Ni a vhona?

Huno khamusi Muya Mukhethwa wo vha u tshi ḫo ri khae, “Hu si zwino.”

¹⁰⁶ Fhedzi, naho zwe ralo, kha vhukonani ha uyo munna, u a kombetshedzea u ya nae. Arali a sa iti, u vha swina kha uyo munna. Uyo munna u ri, “Ndi zwone, o ya ha *mukeneñene*, fhodza uyo ḫwana kana uyo mutukana. Ndi a zwi ḫivha uri o ita. Huno ndo vha a ndi khonani yawe, lwa miňwaha, ni a vhona, huno o vha a si nga ḫi fhethu hanga.”

¹⁰⁷ Fhedzi arali a tshi kombetshedza nga Muya Mukhethwa uri a si ye, ndi khwine a sa yi, arali e dzhogoni kha Mudzimu. Khonani yawe, u a i funa. Fhedzi ndi khwine a tshi khadiwa nga Muya Mukhethwa u ya henengei, ngauri a zwi nga thusi lini, naho zwe ralo. Ndi tshenzhela hezwo zwifhinga zwinzhi.

¹⁰⁸ Fhedzi Paulo o tou lindela Muya u mu vhudza zwine a tea u ita. “Lindelani Muya,” ho pfi ralo. O ima vhuńwe vhusiku, a tshi khou rera. Huno a bva heneffho. A vhona munna wa muholefhalii. Huno nga kathihi fhedzi, Muya wa amba nae, huno a ri, “Ndi a vhona.” Hani? Ndila yeneyo nthihi ye a vhona uri vha khou yo kwashekanyelwa, kha tshiṭangadzime. Ni a vhona? “Ndi a vhona uri ni na lutendo lwa uri ni nga fhodzwa. Imani nga milenzhe yanu. Yesu Kristo o ni nea mutakalo.” Ni a vhona? Khezwo. O—o vha... O vha o dzhena dzhogoni. A nga ḫi vha o vha o fara mvuseledzo ya vhege heneffho huno ha sa bvélele tshithu, fhedzi naho zwe ralo o lindela Muya Mukhethwa uri u ambe. Ni a vhona? O vha e dzhogoni ya iyo khumbelotshihadu.

¹⁰⁹ Zwino inwi ni ri, “Mukomana Branham, ni khou sathula zwe na amba nga Swondaha, nga ha inwi no lindela u swika tshifhinga tshino.”

¹¹⁰ Huno, fhedzi, ni a elelwa, ho vha hu Muya Mukhethwa we wa amba na nne ngei nthiha ndilani, huno wa ri, “Ndi khou u rumela murahu vhukati ha vhalwadze na vha tambulaho.” Ni a vhona? Ndi vhuthetshelesi kha Muya Mukhethwa. A tho ngo ya u swika A tshi mmbudza uri ndi zwi ite. Ndo vha ndo lindela U RALO MURENA, u swika ndi tshi wana U RALO MURENA.

Zwino, izwo zwo fhambana. Ni a vhona? Zwino, Li, Ilō li ita phambano. Ee.

¹¹¹ O lindela Ipfi la Murena. Muya wo mu kombetshedza, u ita fhedzi zwe a laiwa nga Mudzimu, zwenezwo a vha tshivhotshwa tsha Yesu Kristo. Dzikhonani, arali fhedzi ro vha ri tshi nga vha zwivhotshwa!

¹¹² Ndi a zwi qivha uri hu a fhisa. Fhedzi ndi—ndi do takalela u bula vhabvumbedzwa vho vhalahonyana, arali ni tshi do ntendela. Ndi na vha no ḥodou swika rathi kana malo vho ḥwalwaho hafha. Fhedzi ndi—ndi do takalela u bula fhedzi munwe mubvumbedzwa kana vhavhili.

¹¹³ Kha ri dzhie mvumbo ya Mushe. O bebwā e muphulusi. Huno hezwo o—o—o zwi qivha, zwauri o bebwā e muphulusi.

¹¹⁴ Fhedzi ndi sa athu amba nga ha Mushe, ndi do takalela u ita tshitatamennde itshi, tsha uri, tshifhinga tshoṭhe Mudzimu u tea u dzhia muthu munwe na munwe, a no do Mu shumela nga ngoho, u vha tshivhotshwa Tshawe. Muthu u tea u kumedza lutamo lunwe na lunwe lune a vha nalwo, tshiñwe na tshiñwe tshire a vha tshore, tshithu tshiñwe na tshiñwe—tshiñwe na tshiñwe, vhutshilo hawe, maya, muvhili, lufuno, lutamo, na tshiñwe na tshiñwe—vho, huno a vha tshivhotshwa tsho felelaho, kha Kristo, Ane a vha Ipfi, u shumela Mudzimu.

¹¹⁵ Inwi ni nga di tea u tshimbila lwo fhambanaho, u ya nga khathulo yanu. Khamusi, kha linwe dzangano, ni nga di elekanya uri vho vha vha tshi nga ni takulela n̄ha huno vha ni nea tshiñwe tshithu tshihulwane, uri ni kone u taidza. Fhedzi inwi ni qiwana ni mini naa? Ni qiwana no kundwa, nga murahu ha tshifhinga, u swika Mudzimu a tshi kona u wana muthu a no funa u vha tshivhotshwa Khae.

¹¹⁶ Mudzimu u khou ḥoda zwivhotshwa. Tshifhinga tshoṭhe o zwi ita. Ni nga di zwi ḥoda kha Luñwalo. Muthu u tea u vha tshivhotshwa kha Kristo, a sa londi tshiñwe tshithu. Ngauralo-ha, ni nga si kone u ȳumana na tshiñwe tshithu nga nn̄da ha Kristo; na khotsi aṇu, mme aṇu, mukomana waṇu, khaladzi aṇu, munna waṇu, mufumakadzi waṇu, nnyi na nnyi. Ni na vhuṭumani na Kristo fhedzi, nahone Ene fhedzi, zwenezwo Mudzimu a nga ni shumisa. U swika zwenezwo, ni nga si kone.

¹¹⁷ Ndi tshi bva, tshiñwe tshifhinga ndi haliphela vhatu. Ni a vhona? Ndi—ndi khou lingedza u ni vhofholola. Ni tea u vha na fhethu ha u thoma, vhunga tshiñwe tshifhinga ndi tshi laya vhasadzi vha tshi fhungudzela mavhudzi avho nahone vha tshi ambara zwiambaro izwi, huno vha farelela nahone vha khwathisa vhuṭanzi ha Tshikriste. Hu pfi, “Itsho ndi tshithu tshiṭuku.” Zwo di ralo, ni tea u thoma hunwe fhethu. Ngauralo thomani heneḥafho, kha ABC dzaṇu. Ni a vhona? Huno ni tumule mbonalele dza shango, nga iñwe ndila, na vha tshivhotshwa kha Kristo. Huno zwenezwo na sokou bvela

phanda, na tumula tshiñwe na tshiñwe, u swika mafhedziselonni mutaladzi wa u fhedza u tshi tumulwa. Zwenezwo ni—ni... Ni tshivhotshwa-ha. Ni vha tshanđani Tshawe. U, U na inwi tshanđani Tshawe.

¹¹⁸ Zwino, Mushe o zwi divha uri o bebwa e muphulusi. Hezwo o zwi ñivha. Huno no zwi ñzhiela nzhele, kha lutamo lwe Mushe a vha e nalwo; a tshi zwi ñivha uri mme awe vho mu vhudza hangei, sa izwo o vha e muleli wawe.

¹¹⁹ A hu na na thimothimo, musi lushie luñuku Mushe lwo no bebwa, zwe mme alwo vha ri, "U a ñivha, Mushe, musi... Khotsi au, Amuramu, na nnë ro rabela lu sa fhidzi. Ro zwi ñivha, nahome ra vhona kha Ipfi, uri tsho vha tshi tshifhinga tsha u ña ha muphulusi. Huno ra rabela, 'Murena Mudzimu, ri ñodou vhona muphulusi uyo.' Vhuñwe vhusiku, Murena o ri vhudza, nga bono, uri u ño bebwa, huno u ño vha muphulusi. Ro vha ri sa ofhi ndaela ya khosi. A ro ngo londa zwe khosi ya amba. Zwenezwo, ro zwi ñivha uri wo bebwa u muphulusi. Zwino, Mushe, ro zwi ñivha uri ro vha ri si nga koni u u alusa zwavhudì."

¹²⁰ Zwino elelwani, vho vha vhe henengei fhasi, miñwaha ya mađana maña kha la Egipita. Ni a vhona?

¹²¹ "Huno ro—ro ñoda u ni wanela tshi—tshithu tshi re tshone, pfunzo i re yone, u gudiswa hu re hone. Ngauralo, ndo ni dzhia nda ni dzhenisa kha kudata, huno nda ni vhea nnđa kha Nili. Huno zwi kanukisa hani, uri tsinga dzo tsitsela kudata fhasi vhukati ha ñhangá na madzhesi, huno lwa ku ñisa heneffo fhasi, vhukule ha mimaela, huno lwa ku livhanya na pfamo ya Farao, he wawe... ñwananyana wa Farao a vha e hone, he tivha lawe la u ñambela la vha li hone. Na uri—uri ndo zwi ñivha hani uri u ño ñoda musadzi wa u ni alusa."

¹²² Huno maduvhani ayo, a hu na zwiñwe, vho vha vha si na mabodelo aya a u alusa vhuskie ngao, ngauralo o ño tea u vha na mu—mumamisi. Ngauralo...

¹²³ "Huno, Miriamu, ndo mu rumela henengei fhasi. Huno a ima heneffala, huno a ri, 'Ndi a ñivha hune ndi nga wana mumamisi,' huno a ña a nngwana. Huno, Mushe, mahothi oþhe o valwa. Mufunwa, ni na miñwaha ya fumirathi nga vhukale zwino, huno ni khou yo vha murwa wa Farao. Huno liñwe ñuvha ni khou yo vha muphulusi a no ño bvisa vhathu hafha."

¹²⁴ Lutamo lwa Mushe lu thoma u aluwa. "Ndi ño guda, mma. Ndi ño guda tshiñwe na tshiñwe tshire nda kona. Vha a zwi ñivha zwine nda ño ita? Ndi ño guda uri ndi nga vha hani munna wa mmibi, huno ndi ño zwi ñivha uri ndi nga bvisa hani vhathu hafha. Ndi ño vha dzhenerala muhulwane, mubishopo, ngauralo ndi ño zwi ñivha uri zwi itwa hani. Huno ndi ño—ndi ño vha bvisa. Ndi ño wana Ph.D kana LL. yanga. Ndi ño zwi ita."

¹²⁵ Vhunga "Khotsi Chiniquy," arali ni tshi vhuya na vhala bugu dzawe. Zwo luga. U "khou yo phulusa Vhaporotestanti vhoþhe,"

ni a ɖivha, huno o vha ene, ene muñe. Ngauralo, uyu tshifhe muhulwane, miñwaha yo fhiraho, “Khotsi Chiniquy,” ni fanela u wana bugu yawe na i vhala. Vha mu vhidza, “khotsi.” U tou vha Mukomana Chiniquy, zwe a vha e zwone. A ri vhidzi munna “khotsi,” nga u ralo. Ngauralo ri wana uri—uri ri . . . O vha a tshi khou yo vhala Bivhili, uri a kone u bva afho huno a hanedza vhurereli ha Porotestanti huno hothe a vhu ita ha Kałolika. Huno musi o yo vhala Bivhili, Muya Mukhethwa wa tsela khae, huno a wana Muya Mukhethwa, huno zwenezwo—zwenezwo a vha muñwe wavho.

¹²⁶ Ngauralo zwenezwo dzhielani nzhele hezwi, zwa uri Mushe o wana vhugudisi hothe. Ngauri, o—o ɖivha. O vha o thanya nga maanda, o funzea nga maanda, o ʈalifha nga maanda! U swika, hu si tsha vha na muthu . . . O kona na u funza Vhaegipita. U swika, a tshi kona u funza vhađivhi vha saikholodzhi. O kona u funza vhadzheneralu vhavho—vhavho zve maanda a mmbi a vha e zwone. O vha e munna muhulwane. Huno vhathu vho ofha Mushe, nga n̥thani ha vhuhulwane hawe. Oo, ndivhongudwa yo raloh! N̥nenne! O vha e mubishopo muhulwane, kana khamusi a tshi nga mupapa. O vha e muthu muhulwane. Nahone o vha e mu—mu—munna wa maanda. Huno o ɖivha uri o bebelwa u ita zwenezwi, nahone o guda, e na lutamo luhulwane, lwa u zwi ita.

¹²⁷ U tou fana na ɿamusi. A thi khou ri vhanna, vha no khou guda zwikoloni izwi, a thi khou amba uri . . . Vhunga vhe ngeno nda Vhukovhela zwino, vha khou yo fhaṭa tshikolo tsha theolodzhi tsha dolara dza milioni dza ɖafuṭhanu, ni a vhona, Pentekostała, tshi—tshikolo tsha dolara dza milioni dza ɖafuṭhanu. Kha nne, avho vha tea u vha vhafunziruňwa mudavhini. Ni a vhona? Ni a vhona? Ni a vhona? Fhedzi, mini, naa vha ita mini vha tshi bva heneffo? Naa vha mini? Tshigwada tsha vhorkisisi. Zwo tou kokotolo. Huno zwenezwo iyo ndi ndila ine vha bva ngayo. Tshifhinga tshothe vho ralo, vhańwe vhothe, huno uyo ndi mutualadzi wonoyo muthihi. Ni a vhona?

¹²⁸ Zwino ri a wanulula, zwauri, musi, Mushe, kha vhugudisi hawe hothe. Huno ɿamusi, nga vhugudisi hothe, hu tshi itwa vhabishopo vhahulu na vhańwe-vho, lutamo luhulwane, lwa n̥tha, naa ri do itani? Lutamo lwashu lu vha lune lwa ḥodou nga zve lwa Mushe lwa vha lu zwone. Ni a vhona?

¹²⁹ Mudzimu, A sa athu wana munna tshandani Tshawe, O do tea u mu bvula lutamo lwawe. O do tea u mu bvula vhugudisi hawe hothe.

¹³⁰ O bva, nahone a phulusa; a vhulaha Muegipita muthihi. Huno ene, nahone musi o no ita, o wanulula uri o khakha. Ho ngo kona u zwi ita hezwo. Zwo vha zwi si nga iyo ndila. Huno Mudzimu o do tea u mu bvisa a mu isa sogani, phangani, fhethe hu re phanga.

¹³¹ Inwi ni a dzhiela nzhele, zwi nga zwi a kanukisa, nga ndila ine avha vhatu, Mudzimu a vha wanelo mulaedza. U vha isa phangani.

¹³² O dzhia Paulo a mu isa phangani, u guda, u mu vhudza zwe ili bono lothe la vha li zwone, nnda phangani. “Ibva u ye phangani iñwe.” Huno o dzula henengei u swika Mudzimu a tshi qivhadza lwo fhelelaho zwine zwa tea u itwa.

¹³³ Huno tshifhingani tsha Mushe, O mu bvisa a mu isa phangani. O mu litsha henengei nnda lwa miñwaha ya fuiña, huno a mu bvula theolodzhi yawe yothe na lutamo lwawo. Oo, ndi tshifhinga-de, tshe a vha a tshi nga kona u sedza murahu huno a vhona u kundelwa hawe. Huno nga ndila ine rine, madekwana a ñamusi, ra tea u ita zwenezwo zwithihi, musi ri tshi vhona lutamo lwashu.

¹³⁴ Sedzani khunguwedzo ya phodzo, huno ni vhone arali Murena o ita tshiñwe tshithu miñwaha yo fhiraho i si gathi, u thoma u vhuyedzedza phodzo kha vhalwadze, na zwiñwe.

¹³⁵ Muñwe na muñwe, dzangano liñwe na liñwe, ndi nge I sa de ngomu ha dzangano lavho, vho do tea u vha wanelo mufhodzi. Huno ro itani? Kha ri zwi sedze lwa tshifhinganyana fhedzi. Ro ita zwenezwo zwithihi zwe Mushe a ita. Ro bva nahone ra lingedza nga maanda u ita luñwe lushaka lwa dembe. “Ndo pfa munukho wa dwadze. Ndi—ndi—ndi na malofha tshandani tshanga,” huno nda ita dembe. Ni a vhona? Huno ri nani naa? Vhañwe vha vhanna kha u didina hu kondaho nga u ralo, vhe vha kwashekana nahone vha vha zwidakwa zwa misi, vha re na mazhuluzhulu, huno a fara þhalukanyo dzavho. Huno vho humela murahurahu, nzudzanyo i bvaho kha ndivho ya pentekoste, murahu kha u ita madzangano na zwithu hafhu. Ni a vhona?

¹³⁶ Naa ro itani? Ro vhulaha Muegipita muthihi. Izwo ndi zwone. Huno ro lingedza. Ro didina. Ro badela. Ro shuma, ri tshesa vhusiku hothe ri kha mitangano ya thabelo, u swika ri tshi fa ipfi. Huno—huno ri lingedza u ita tshiñwe tshithu, nahone ra engedza maanda a tshiñwe tshithu, na idzi tshakha dzothe dza zwithu, huno ra wana zwi u kundelwa tshothe. Ri tqoda u vhuyeleta phangani. Ndi zwone. Ee, muñe wanga. Mitangano ya gammabani, na u kakarika. Naa ndi ngani ni sa tou litsha? Izwo ndi zwone zwine na fanela u ita, ni a vhona, u humela murahu nahone na litsha. Mulandu, ro ita zwenezwo zwithihi zwe vha ita, zwenezwo zwithihi zwe Mushe a ita. A zwi farisi tshithu. Nga murahu ha miñwaha ya fuiña, o ñiwana e tshivhotshwa kha Ipfi la Mudzimu. Naa ri lingedza u itani?

¹³⁷ Musi, Phaþhutshedzo khulwane i tshi bva, na u vhonadzwa ha izwi zwithu zwoþhe zwiþhulwane zwe Mudzimu a ri vhudza zwone: uri ri fanela u bebwa hani; uri ri þanganedza hani Muya

Mukhethwa; ndovhedzo nga Dzina ḥa Yesu Kristo; na izwi zwithu zweṭhe hafha.

¹³⁸ Inwi ni vhona, vhathu, vhudzuloni ha u kwambatela ilo Ipfi, vho paniwa Khalo, naa vha itani? Vha thoma muhumbulo wavho wa dinomineisheni, wo no di kundelwaho, huno vha lingedza u ita tshiñwe tshithu uri tshi nge Ngoho.

¹³⁹ Ndi khwine ndi tshi tumula henehfa. Ni a vhona? Ndi na ngoho uri no ṭalifha lwo edanaho u divha zwine nda khou amba. Ni a vhona? Fhedzi, mulandu, vhonani zwe zwa ita. Zwi elekanyeni.

¹⁴⁰ Ri na mini, madekwana a namusi, nga nn̄da ha lu—lu—lushaka lwo dalaho vhathu vho dzudzanywaho vhane vha hana Mañwalo a Mudzimu; vha no do vhidza vhu—vhu—Vhutshilo ha Muya Mukhethwa, uri, “Ho vha hu u—hu u vhala muhumbulo,” vha no qo hanela vho raloho u ḫa tshivhidzoni tshavho. Huno a vha nga do ni tendela u bula Ipfi lithihi ḥa mbeu ya ḥnowa, tsireledzo ya U Ya Nga Hu Sa Fheli, na zwithu zwe Muya Mukhethwa wa dzumbulula nahone wa sumbedza u vha Ipfi. Ndo ita khaedu na khaedu, u ḫa nahone vha ntsumbedza uri yo khakhea.

¹⁴¹ Naa vho wanani? Zwenezwo zwithihi zwe Luther a vha e nazwo, vhaiwe vhoṭhe, ni a vhona, a vhulaha Muegipita. Naa hu fanela... Naa ho vha hu mini? Khamusi o ita uri muñwe munna a thome... a litshe u tswa, kana khamusi a tshire a tshi fulufhedzea kha mufumakadzi wawe. Fhedzi naa no mu ita mini nga hezwo? Murado wa tshivhidzo. “Idani ni vhe muthihi na tshigwada tshashu.” Ni a vhona?

¹⁴² Uyo munna o faho a nukhaho o vha e tshone tshithu tshithihi tshe a vha a tshi nga tshi sumba nga munwe, tsha mvelelo yawe, tsha miñwaha ya fuiña ya vhugudisi; Muegipita a nukhaho o edelaho henehfo, o sina nahone o fa.

¹⁴³ Izwo ndi nga ndila ine zwa vha ngayo madekwana a namusi. Tshithu fhedzi tshine ri nga tshi sumba, kha iyi mvuseledzo yo pfukelaho seli (i no sokou vhidzwa), ndi tshigwada tshi nukhaho tsha mirado ya tshivhidzo tshine tsha si divhe zwinwe hafhu nga ha Mudzimu u fhira zwine Muhotentoti a do divha nga ha vhusiku ha Egipita. Ndi zwone. Izwo, zwo vha zwi tshi do vha vhudza nga ha Ipfi ḥa Mudzimu, line vha ri, “A thi li tendi Helo.” Ha pfi, “A thi londi zwine vha amba. A thi Li tendi.” Ni a vhona? Ni a vhona? Itsho ndi tshithu tshi ofhisaho u tea u dovha na tshi sumba, nga ḥwambo wa u didina hothe na u kakarika nahone na tshiñwe na tshiñwe tshine ra vha natsho.

¹⁴⁴ Khamusi ro vha ri tshi nga sumba tshikolo tshihulu, fhedzi tsho fa. Ro vha ri tshi nga sumba dzangano, fhedzi lo fa. Li a nukha. Li tou fana na tshithu tsha u thoma tshe ra bva khatsho. “Vhunga nguluvhe i tshi ya thopheni yayo, na mmbwa kha

mañanza ayo,” musi ri tshi vhuya murahu. Muegipita muthihi o faho.

¹⁴⁵ A hu na na thimothimo ya uri muñwe o ri, “Mushe, zwo ralo, a ni tshe na u pfela vhathu? Inwi no vhidzelwa hezwi.” Muñwe we a divha Mushe, o divha uri o vha o vhidzelwa zwenezwo. “Huno ni songo . . . A ni tshe na u pfela vhathu?”

“Hai, muñe wanga.”

¹⁴⁶ “Zwo ralo, ndi ngani ni sa bvi, na ya nga hangei, ni tshi ita *hetshi*? Huno ndi ngani ni siho hafha nn̄da, ni tshi khou lingedza *hetshi*? Naa ndi ngani ni sa bveli phanda na vhañwe vhothe?”

¹⁴⁷ Mushe o vha e ngei nn̄da a tshi khou bvulwa, u swika a tshi vha na tshenzhemo tshiṭakani tshi dugaho, ye ya divhadza Ipfi. “Ndi NNE Mudzimu wa Abrahamu, Isaka, na Yakobo. Huno Ndi elelwa pfulufhedziso Dzanga. Huno Ndo tsa uri ndi vha phuluse. Ndi khou u ruma uri u zwi ite.” Izwo zwo vha zwi zwone.

¹⁴⁸ O vha o vhona Ipfi, hu si ni lutamo lwa vhathu kana zwi tamiwaho nga vhathu. Zwenezwo o vha mini? O vha a si tsha toda u livhana na Vhaegipita. O vha a si tsha ḥoda u livhana na itshi tshithu. Fhedzi u vha tshivhotshwa. Amene. Miñwaha ya fuiña ya u gidima, a tshi khou bvula, fhedzi-ha u vha tshivhotshwa, tshiṭakani tshi dugaho, Mushe wa maanda na vhuṭali hawe hoṭhe. Bivhili i tshi khou amba zwauri Mushe o vha e munna wa maanda u ambani kana kha nyito, fhasi kha la Egipita.

¹⁴⁹ Fhedzi sedzesesani zwe muđivhi wa theolodzhi wa maanda a ita Vhuhoneni ha tshiṭaka tshi dugaho. O bula fhedzi u balelw̄a hawe. Musi o no vhona ndivho ya vhukumakuma ya Mudzimu, o bula uri o balelw̄a u zwi ita. Naho zwo ralo, o vha o gudiswa kha theolodzhi yoṭhe ye vha kona u mu nea, o gudiswa tshikoloni tshavho tsha khwine. Fhedzi, naho zwo ralo, naa o vha a tshi do ita musi a . . . iyo Khavhu ya Mulilo yo nembelela henehfo tshiṭakani? Ha pfi, “Ndi nga si vhuye nda kona u amba Nae. Murena, ndi nn̄e nnyi, zwine nda tea u ya?” Ni a vhona?

¹⁵⁰ “Bvula zwienda zwau, Mushe. Ndi ḥodou amba na iwe. Dibvule u swika fhasi, na zwienda zwau. Iwe u—iwe u fhasi mavuni hafhu. Ndi ḥodou amba na iwe.”

¹⁵¹ Ho ngo vhuya a kona na u amba. Mafhedziseloni, tshivhotshwa tsho nangiwaho, muporofita o nangiwaho, u tou fana na Paulo o nangiwa. Mushe o nangiwa, muphulusi. Huno zwenezwo, mafhedziseloni, Mudzimu o ita uri muluvhi o nangiwaho Wawe a vhe tshivhotshwa Khae. Oo, haleluya! O kona fhedzi u sudzuluwa musi Ipfi la Mudzimu lo mu sudzulusa. “Naa ndi nnyi ane nda do ri nthume?”

“Ndi NNE.”

“Ndi do ita hani?”

“Ndi do vha na iwe.”

¹⁵² “Ee, Murena, vhunga U tshi amba. N̄ne ndi fhano.” Yawee, nn̄en̄ne! Uyo, ndi tshivhotshwa.

¹⁵³ U lwa na kuelekanye kwawe kwa khwine. Zwino, o no gudiswa u laya mmbi. “Mabanga, n̄tha! Rembuluwani!” O gudiselwa u ya, “Gariki dza nndwa, zwōthe zwi ngonani! Mapfumo, phanda! Phadzhani!” Iyo ndi ndila ine a khou yo i langa. Uho ho vha vhu vhugudisi hawe.

Fhedzi a ri, “Naa ndi khou yo shumisani?”

Ha pfi, “Naa ni na mini tshandani tshañu?”

¹⁵⁴ “Lubada.” Mudzimu u ita zwithu nga ndila i sa pfeseseiho nga maanda tshinwe tshifhinga, kha thalukanyo ya muthu. Ni a vhona? Ú na lubada tshandani tshawe. Mahaha a tshi khou nembelela phasi. Miñwaha ya fumalo nga vhukale. Mufumakadzi wawe e kha meila; ñwana o dzula khunduni dzawe. Zwanda zwiñuku, zwa kale zwi si na nungo zwo nembelela; lubada. Ho tou takuwa thoho yawe fhedzi, nge a vha e na U RALO MURENA. Mulandu? Mafhedziseloni o do tikiwa.

¹⁵⁵ O vha e tshivhotshwa. “Ndi do sudzuluwa musi Ipfi li tshi nntsudzulusa. Ndi do amba fhedzi hune Ipfi la amba.”

“Naa ni khou yafhi?”

¹⁵⁶ “Ndi na ndaela nthihi: imani phan̄da ha Farao huno ni mu sumbedze, nga lubada ulu, uri Mudzimu o nthuma.” Amene.

“Naa ni khou yo itani nga murahu ha hezwo?”

“U do nekedza tshithu tshi tevhelaho, nga murahu ha musi ndo no ita hetshi.”

¹⁵⁷ Khezwo. Ni na tshithu tshithihi fhedzi tshine na tea u tshi ita, ligla la u thoma, madekwana a ñamus: dikumedzeni, ivhani tshivhotshwa. Ni songo elekanya nga ha inwi muñe kana tshinwe tshithu-vho. Ivhani tshivhotshwa.

¹⁵⁸ Mushe o vha tshivhotshwa, o bulu uri ho ngo vhuya a kona u amba. Mafhedziseloni, musi Mudzimu o no mu wana tshandani Tshawe, he a vha a tshi kona u sudzuluwa fhedzi he Mudzimu a mu sudzulusa. He, A mu vhudza Ipfi. O ñivha uri ho vha hu Ipfi, zwenezwo a ñinekedza kha Ipfi. Huno Muya Mukhethwa heneffo, Mudzimu, a pana Mushe kha lufuno lwa Mudzimu.

¹⁵⁹ Izwo ndi zwenezwo zwithihi zwe A ita kha Paulo. Ndi zwone? [Tshivhidzo tshi ri, “Amene.”—Mudz.] O pana Paulo; ningó thukhu, yo kombamaho, Muyuda a soliseaho, oo, e na Ph.D. na dziLL.D dzo ñwalekanywa khae. Fhedzi O ri, “Ndi khou yo mu sumbedza zwine a khou yo tambulela Ipfi.” Ni a vhona? Huno a . . .

¹⁶⁰ Huno zwenezwo Paulo o dzula heneffo huno a tshi khou vhona Ipfi, nahone a tshi khou vhona uri uyo o vha e Yesu, zwenezwo a imisela zwanda zwave n̄tha huno a vha o paniwaho

Khae. Lufuno lwa Mudzimu lwo mu pana kha Ipfi. "U khou yo hwala Dzina Łanga phanda ha Vhannda." A ya henengei.

¹⁶¹ "Mushe, Ndi NNE Mudzimu wa vhokhotsi anu. Ndi NNE Mudzimu wa Abrahamu, Isaka, na wa Yakobo. Ndi a elelwa uri Ndo vha fulufhedzisa, huno tshifhinga tsha pfulufhedziso tshi tsini. Huno Ndi vhona matupho a vhathe Vhang. Ndi elelwa pfulufhedziso Yanga. Huno Ndo tsa uri ndi u pane. Iwe u a divha zwe Ipfi la amba. Ndo u pana uri u ye henengei fhasi, ndo u pana nga maanda, uri u tsele fhasi henengei huno u phuluse vhathe Vhang. Huno dzhia ulwo lubada tshanqani tshau, sa ḥanzi, ngauri wo vhona dembe le lwa ita." U tou fana na Dafita, e na gatho. Ni a vhona?

¹⁶² A dipana, ene mune, huno a tsela fhasi. Mafhedziselonni, Mudzimu o vha na munna we a vha a tshi Mu luvha, o paniwa Khae, huno ho ngo kona u sudzuluwa u swika Ipfi la Mudzimu li tshi mu sudzulusa. Arali vhathe vho vha vha tshi nga tou ita hezwo, ɿamusi! Zwenezwo, o vha e tshivhotshwa Tshawe, tshivhotshwa tsha lufuno, e dzhogoni ya vhuthihi ha lufuno, na—na Mudzimu, sa Paulo o vha e dzhogoni kha vhuthihi ha lufuno lwa Mudzimu.

¹⁶³ U tou fana na Paulo, vhuvhili havho vho vha vho gudiswa nga ndila i fanaho. Mushe o guda, ni a divha, u phulusa vhana vha Israele nga maanda a mmbi. Paulo o guda uri a vha bvise zwandani zwa Vharoma huno a vha vhofholola, nga nungo khulwane dzawe dza vhuhuweleli shangoni nga ilo duvha. Zwikolo zwihulwane zwa vhugudisi, zwi da zwi fhasi ha Gamaliele.

¹⁶⁴ Huno vhuvhili havho vho ya phangani; vha vhuya vhe vhanna vho shandukaho. Vhuvhili havho vho vhona Khavhu ya Mulilo. Huno vhuvhili havho vho vha vhe vhaporofita. Ndi zwone? [Tshivhidzo tshi ri, "Amene."—Mudz.] Vhuvhili havho, vhe vhaporofita. Huno vhothe ho ambiwa navho nga Khavhu ya Mulilo, kokotolo zwenezwo, vha tshi delu muphulusi. Ngevho afho; vho ya phangani. Who tutshela mahaya avho huno vha ya phangani, u wanulula. Who tutshela vhathe vha havho na tshinwe na tshinwe, u wana lufuno lwa Mudzimu. Ni a vhona?

¹⁶⁵ Vho vha vho gudiswa nga ndila nthihi; Mudzimu o vha shandukisa vha vha muñwe. Huno vho do tea u vha tshivhotshwa tsho fhelelaho, uri vha si ite nga ndila ye vha ḥodou ita, fhedzi vha ite nga ndila ye Mudzimu a ḥoda uri vha ite. Ha shanduki mulovha, ɿamusi, na lini na lini.

¹⁶⁶ Naa ri kha di vha na miñwe miniti ya fumi afho, u ita izwi? [Murathu Neville u ri, "Amene."—Mudz.]

¹⁶⁷ Ndi do ḥavhanyedza vhukuma u ya kha muñwe mubvumbedzwa. Ndi vhona muñwe phanda hanga zwino. Dzina ḥawé ndi Yosefa. O vha e murwa o nangiwaho. O vha e tshifanyiso tsho fhelelaho tsha Yesu Kristo. O bebwa e muporofita. O vha e

muporofita, na ene-vho. Ni a vhona? Huno zwino o vha a tshi vho kona u vhona bono. Huno musi o vha a tshi kha di vha mutukana muṭuku, o vhona bono la ene muṇe o dzula kha khulunoni, huno vhakomana vhawe vha tshi khou mu gwadamela. Ni a vhona? Fhedzi sedzani. U vha . . . O pfa u nga u muthu muhulwane. Ni a vhona? Vhoṭhe . . .

¹⁶⁸ Fhedzi Mudzimu o do tea u itani? O ita zwenezwo zwithihi zwe A ita kha vhaṇwe vhoṭhe. Ngauri, Mushe o vha e muphulusi, Paulo o vha e muphulusi, huno zwino Yosefa o vha e muphulusi. O tshidza vhathu vhawe ndalani.

¹⁶⁹ Naa Mudzimu o do tea u itani khae? U mu vhea dzhele, u mu vhea henengei dzhele. Ee, muṇe wanga. Elelwani, o rengiswa nga vha hawe, kha Muegipita. Huno vho mu rengisela Potifara. Huno Potifara o mu nea mbopholovo ḥukhu, nahone, tshithu tsha u thoma ni a divha, iyo o dzhielwa yone. Huno o dzula henengei dzhele, a tshi khou lila, a tshi khou lila. Mudzimu o do tea u i bvula.

¹⁷⁰ Zwino dzhielani nzhele. Fhedzi, tshifhinga tshoṭhe, ndi a tenda, ene, kha iyo dzhele, o kona u elelwa uri bono lo amba zwauri u khou yo dzula kha khulunoni, nahone vhakomana vhawe vho vha vha tshi khou yo mu gwadamela, ngauri o divha uri tshifhiwa tshawe tshi bva ha Mudzimu. Huno o divha uri zwe do tea u khunyelela.

¹⁷¹ Arali ro vha ri tshi nga vhulunga fhedzi hezwo ḥalukanyoni dzashu, nahone u ya nga Ipfi la Mudzimu, uri mađuvhaniaya a u fhedzisela U khou yo vha na Tshivhidzo, U khou yo vha na vhathu. Huno izwi zwithu zwe A fulufhedzisa, U khou yo zwi ita. O amba zwauri U do ralo, huno ri khou tshila kha tshifhinga. Ri heneffo. U khou tou lingedza u ri ita zwivhotshwa vhukuma zwino, ro honelwa Nae.

¹⁷² Inwi no pfa lula luimbo lune na lu imba, “Huno zwenezwo ndo valelwa na Mudzimu”? Ndi khou ṭoda u valelwa na Mudzimu. Zwino, afho ndi hone he nda elekanya nga ha hezwi. Ndo valelwa na Mudzimu, hu si na tshiṇwe tshithu-vho, nahone ni sudzuluwa fhedzi musi Mudzimu a tshi ri sudzuluwani. Ni ita fhedzi Mudzimu a tshi ri itani, ni a vhona, zwenezwo no valelwa na Mudzimu.

¹⁷³ Zwino elelwani, o vha a tshi khou elekanya. Ene na ene-vho o vha u kundelwa tshoṭhe, kha ene muṇe. Zwoṭhe zwe a divha, zwoṭhe zwe a pfesesa, na tshiṇwe na tshiṇwe, u vha u kundelwa tshoṭhe. A zwe ngo shuma. O vha o vhewa kha nzulele ye ha si vhe na muthu we a do vha a tshi do mu thetshelesa. O vha e tshivhotshwa. Ni a vhona? O vha o vhewa kha nzulele, ya uri vha sa tendi a vha nga do tenda. Naa ni a vhona zwine nda khou amba? [Tshivhidzo tshi ri, “Amene.”—Mudz.] Mushumo wawe wo vha u si na mbuelo. Vhathu vho rembulusa ḥohoho dzavho. A vho ngo mu ḥogomela e dzhele. Naa mushumo wawe wo vha u tshi

do ita vhudide? O vha a tshi nga di ima kha ngole dza dzhele huno a vha rerela; vho vha vha tshi do tsa nga tshiṭaraṭa. Ni a vhona? Fhedzi u vha tshivhotshwa. Huno Mudzimu o mu ita uri a dzule e, tshivhotshwa, u swika linga li tshi kunguluwa nga ndila yone. Ha pfi, “Ngoyu munna Wanga.” Vhugala! U kundelwa tshoṭhe!

¹⁷⁴ Mafhedziseli, Mudzimu a da dzheleli yawe. Vhunga Paulo, vhunga vhańwe vhoṭhe, O da Khae. Huno O shumisa tshifhiwa tshe A mu ḥea tshone, u mu bvisa henehfo. Izwo ndi zwone. O mu vhuisa a tshi bva dzheleli yawe. Naa o itani? Musi A tshi tou mu vhuisa a tshi bva dzheleli yawe, a ḥewa maanda nga khosi, khosi yawe, ye a dzula kha lurumbu lwayo, ye a vha e phasi hayo. O vhuiswa a tshi bva nduni ya dzhele nahone a ḥewa maanda; u swika, tshińwe na tshińwe tshe a amba, tshi tshi tea u bvelela. Amene.

¹⁷⁵ Ngomu ha dzhele yawe, a dzulela u elelwa, uri o bebwa hu na ndivho. O vha a tshi khou yo dzula tsini ha khosi. Vhańwe vhoṭhe vho vha vha tshi khou yo mu gwadamela. Huno bono ḥawé lo mu vhudza nga u ralo. Amene. Fhedzi bono ḥawé li sa aṭhu khunyelela tshoṭhe, o vha o no vha tshivhotshwa. Amene. Huno zwenezwo u vha muvhusi. Huno musi a tshi bva nduni yawe ya dzhele, huno u vha tshivhotshwa tsha Ipfi la Mudzimu, lwe a kona fhedzi u amba zwe Mudzimu a vhea mūlomoni wawe uri a zwi ambe, zwenezwo Mudzimu o sudzuluwa nga khae.

¹⁷⁶ Dzhielani nzhele, uri Mushe o vha e na maanda a u vhofha vhakololo vha Farao, nga u funa hawe. “Arali wā amba na iyi thavha, ‘Sudzuluwa.’” O vha e na maanda a u vhofha vhakololo vha Farao. Kana vho vha vhe madikoni, kana vhotshifhe, kana vho vha vhe vhaimeli vha shango kana zwińwe na zwińwe zwe vha vha vhe zwone. O ri, “Ndi a ni vhofha,” huno vha vhoxwa. Izwo zwe vha zwi zwenezwo. O vha a tshi kona u zwi ita nga ipfi ḥawé, nga u funa hawe. Amene. Vhugala kha Mudzimu!

Oo, ndi tou vha na miniti yo engedzeaho miraru. Ndi vhulunga ipfi ḥanga.

¹⁷⁷ Zwino ri a wanulula, uri u—u vha tshivhotshwa kha Mudzimu, u bva kha tshivhotshwa u ya kha shango. U bva... Paulo, ndila yeneyo nthihi. Na Mushe, ndila yeneyo nthihi, u bva kha tshivhotshwa u ya kha kuhumbulele kwawe, u ya kha tshivhotshwa u ya kha Mudzimu. Huno musi a tshi bva, o vha e na maanda a Mudzimu. Nahone musi a tshi vha Paulo... Musi kuhumbulele kwa kale, kwa Mushe, o ku kumedza nahone a ku bvulwa, u vha tshivhotshwa kha Ipfi la Kristo. O kona u sudzuluwa huńwe na huńwe...

“Inwi ni ri, ‘Kristo’?”

¹⁷⁸ “O vhona u nyadziwa ha Kristo hu lupfumo luhulwane u fhira ulwo lwa Egipita.” Ngauralo o vha e tshivhotshwa kha Kristo, u tou fana na zwe Paulo a vha e zwone.

¹⁷⁹ Elelwani, vhuraru havho vho vha vhe vhaporofita. Ni a vhona? Huno vho do tea u bvulwa kuhumbulele kwavho, u itela u vha tshivhotshwa kha lufuno na nqila dla Mudzimu.

¹⁸⁰ Zwenezwo ri a elelwa, zwino, uri o vha e na maanda a u vhofha, nga ipfi lawe. O vha e na maanda a u vhofholola, nga ipfi lawe. O vha a tshi kona u ri, “Ndi a ni vhofholola, nga dzina la khosi yanga.” Amene. Farao o ita Yosefa murwa wawe.

¹⁸¹ Kristo u ita Vhawe, zwivhotshwa zwa lufuno, vharwa Vhawe. Huno U vha nea maanda, zwenezwo zwithihi zwe A vha e nazwo. Yohane Mukhethwa 14:12, “Ane a Ntenda, ni a vhona, mishumo ine Nda ita na ene u do ita-vho. Na yo engedzeaho u fhira iyi u do ita.” Zwino tshivhotshwa tsha lufuno lwa Kristo tshi newa maanda nga Khosi yatsho, Ine ya vha Kristo. Amene. “Huno ngoho Ndi ri kha inwi, arali na amba na iyi thavha, ‘Sudzuluwa,’ huno ni sa timatimi mibiluni yanu, fhedzi na tenda uri zwe na amba zwi do khunyelela, ni do vha na zwe na amba. Arali ni tshi dzula kha Nne, huno Ipfi Langa li kha inwi; arali ni dzhogoni kha Nne,” ngauri Ene na Ipfi Lawe vha a fana. “U rangani Ipfi o vha e hone, huno Ipfi o vha e na Mudzimu. Ipfi a itwa qnama huno a dzula vhukati hashu. Ha shanduki mulovha, qnamusi, na lini na lini! Arali ni tshi dzula kha Nne,” hu si ni ngomu hafha na heneffho. “Dzulani kha Nne, na Ipfi Langa kha inwi; humbelani tshine na funa, kana ambanu tshine na funa, ni do itelwa zwone.” O vha e na maanda.

¹⁸² Dzhielani nzhele, a sa athu bva, o do tea u bviswa nahone a vheulwa. Zwithu zwi si gathi zwo do tea u vheulwa a sa athu tangana na khosi yawe. Ni a vhona?

¹⁸³ Oo, Mudzimu tshiñwe tshifhinga u bvisa vhatu Vhawe nga u ralo, huno a vheula zwi tameaho zwi si gathi zwavho, a vha sumbedza uri vha nga si tou ita zwe vha tqodou ita. Ni a divha zwine nda khou amba. A vha—a vha kha mbofholowo ya u ita zwine vha tqodou ita. Vha sa athu vha kha maanda o dalaho na u vha phuli ya lufuno kha Kristo, vho do tea u vheulwa nahone vha qnekedzwa. Tshiñwe tshifhinga U vha isa phangani, u ita hezwo, u vha vheula. Huno zwenezwo a vha bvisa, muqodzwa, u khunyeledza ndivho ye A vha tela uri vha vhe yone. Ni a vhona zwine nda khou amba?

Vhahashu, ri tshifhingani tsha vhufhelo.

¹⁸⁴ Elelwani, zwiñwe zwifhinga zwe hothe, zwe A ita. Tshifhinga tshothe o do tea u dzhia muthu huno a mu ita tshivhotshwa Khae, a furalela zwi re zwawe. O do tea u furalela tshiñwe na tshiñwe tshe a vha a tshi tshi divha, a hangwa vhugudisi hawo hothe, tshiñwe na tshiñwe, uri a kone u divha lufuno lwa Mudzimu, na u tevhela Mudzimu.

¹⁸⁵ A nga si kone u tevhela tshiñwe na tshiñwe tshine muthu a tea u ita, na Mudzimu, nga tshifhinga tshithihi. Zwo fhambanesa, tshiñwe kha tshiñwe. Ni nga si vhe a no khou ya

vhubvaduvha na vhukovhela nga tshifhinga tshithihi. Ni nga si vhe a no khou ya kha tsha u la na tsha monde nga tshifhinga tshithihi. Ni nga si vhe a no khou ita zwi re zwone na two khakheaho nga tshifhinga tshithihi. Ni nga si vhe a no khou tevhela muthu na Mudzimu nga tshifhinga tshithihi. Hai, muñe wanga. Ni nga vha ni tshi khou tevhela Mudzimu kana ni tshi khou tevhela muthu.

¹⁸⁶ Zwino, zwenezwo, arali ni tshi khou tevhela Mudzimu nahone no dikumeda kha Mudzimu, zwenezwo ni vha tshivhotshwa kha uyo Mudzimu, kha ilo Ipfi, kha ulwo lufuno. A hu londwi uri tshiñwe tshithu-vho tshi ri mini, inwi ni vha tshi-tshivhotshwa Khało.

¹⁸⁷ Thetshelesani. Ri kha tshifhinga tsha vhufhelo. Huno ndi do ita hezwi nga khuliso na thompho, musi miniti mivhili ya u fhedza i tshi fhira. Vhonani. Zwine Mudzimu, u ya nga muhumbulo wanga, a do ita nahone a fanela u ita, nahone a do ita nga ili duvha la u fhedzisela, ndi u wana tshishumiswa tsha khanø. U tea u wana tshishumiswa, u fhula phasi. Rabulasi muñwe-vho, musi a tshi ya khanoni yawe, u tea u vha na tshishumiswa u zwi ita ngatsho; zwa vhukuma, u tea u vha na segere i re na vhuhalı kana tshiñwe tshithu, tshiñwe tshishumiswa, u fhula thoro. Huno khanø yo vhibva.

¹⁸⁸ Mudzimu, ri dzenise tshandani Tshau. Ri ite vhalanda vha vhuthihi vha lufuno Lwau. Ri shumise sa tshishumiswa, u disa u ḥalukanya kha ili lifhasi la vhuvhi, lo señwaho line ra khou tshila khało ḥamusi, uri Yesu Kristo ha shanduki mulovha, ḥamusi, na lini na lini.

¹⁸⁹ U itela nne, Mudzimu, i ri ndi vhe tshivhotshwa. Arali vhahashu vhothe vhanga vha ḥtanutshela, arali khonani dzanga dzothe dzi tshi ḥtanutshela, ndi ḥodou vha tshivhotshwa tsha Yesu Kristo na Ipfi Lawe, uri ndi kone u paniwa kha Ipfi Lawe, nga Muya Mukhethwa, u vhona Muya Mukhethwa u tshi ita Ipfi la Mudzimu uri li khwaθhisizedze nga zwithu zwenezwo zwithihi zve A ri zwi do itwa. Ndi ḥodou vha tshivhotshwa tsha Yesu Kristo.

Kha ri rabele.

¹⁹⁰ Ndi a mangala, madekwana a ḥamusi, zwifhaṭuwo zwashu two kotama, arali ulwo lutamo lune ra vha nalwo, lwa u vha tshiñwe tshithu-vho, kana khamusi lwa tshiñwe tshithu tshire ri nga di tshi elekanya, tshithu tsha tseda, ndi a mangala arali ro vha ri si nga vhetsheli izwo thungo.

¹⁹¹ Ndi a mangala uri muñwe mutukana muswa fhano, madekwana a ḥamusi, sedzani u mona hothe, ni ri, "Ndi khou yo vha, musi ndi tshi vha muhulu, ndi khou yo vha tshithu tshikenenene." Ndi a mangala uri ni a pfa lufuno lwa Mudzimu lu tshi sudzuluwa vhutshiloni hanu, huno na ri, "Hai, hai. Uh-huh. Ndi—ndi... Lutamo lwanga lwo xela zwino. Kha mađuvha

a si gathi a u fhedzisela, Muya Mukhethwa wo vha u tshi khou amba na nne. Ndi—ndi—ndi—ndi ḥodou ḥinekedza kha Mudzimu, u vha tshishumiswa tsha u fhula tsha lino ḥuvha la u fhedzisela.”

¹⁹² Muňwe musidzana muswa ane a nga di vha na lutamo lwa mvumbo ya mufumakadzi wavhudzi, kana—kana khamusi a vha mimisisi mičuku yo nakaho, kana khamusi linwe duvha a ita Hollywood nyendavhutshilo yanu, ndi—ndi a mangala uri a ni khou funa zwino u nekedza lutamo lwanu Vhuhoneni ha Mudzimu na Ipfi Lawe, na pfa mbidzo ya Mudzimu vhutshiloni hanu. Mudzimu u a divha uri ni nnyi.

¹⁹³ Ndi a mangala uri hu do vha na mushumeli tsini, kana mulanda, mushumi huňwe fhethu tshivhidzoni. Ndi tou dzhena ngomu hafha, luthihi nga tshifhinga. A—a thi divhi tshararu tsha vhatu vho dzulaho fhano, madekwana a ńamusi, fhedzi ndi... itshi tshidalatshanda tshituku tshi re hafha. Ndi a mangala uri hu do vha na muthu o raloho, ane na do funa u ri, “A thi londi zwine muňwe muthu-vho a amba. Nne ndi phuli ya Mudzimu zwino. Ndi—ndi—ndi khou yo rera Ipfi Lawe, hu si na u londa. A thi londi zwine, dzangano langa—langa la ntanutshelela zwone, nne ndi kha di do kwambatela ilo Ipfi. Ndi—ndi khou yo zwi ita. Lufuno lwanga ndi lufuno lwa Mudzimu. Lufuno lwa Mudzimu ndi lufuno lwanga. Nne ndi khou yo vha tshivhotshwa kha Yesu Kristo. Nga tshilidzi Tshawe na pfariiso, ndi do zwi ita.”

¹⁹⁴ Zwi elekanyeni, musi ro kotamisa zwifhaňuwo zwashu. Ndi vhangana vha re na ulwo lutamo, madekwana a ńamusi? Ni nga imisa tshanda tshanu. Itsho ndi tshanga, na nne-vho. Ndi kumedza zwoňhe. Zwino ro kotamisa zwifhaňuwo zwashu, nga u ongolowa zwino, musi ni tshi zwi dzeula zwino, ni tshi rabela.

Ndi kumedza zwoňhe,
Ndi kumedza zwoňhe,
Zwoňhe kha Iwe, Mutshidzi wanga o
fhaňutshedzwaho,
Ndi kumedza zwoňhe.

Ndi kume...

¹⁹⁵ Naa zwa vhukuma ni khou ralo? “Ndi ḥodou vha tshivhotshwa. Ndi...Nnzhie, Murena. Nnyise nđuni ya Muvhumbi, madekwana a ńamusi. Nkwashhekanye, nahone u mmbumbe hafhu, hangeno fhasi.”

Kha Iwe, Mutshidzi wanga o fhaňutshedzwaho,
Ndi kumedza zwoňhe.

¹⁹⁶ Khotsi wa Ṭadulu, musi luimbo lu tshi khou bvela phanda na u tamba, ndo elekanya uri zwi do vha na mbuelo nga maanda nga tshino tshifhinga, uri ndi—ndi do dzhena kha luimbo huno nda amba na Iwe lwa tshifhinganyana. Musi vhatu vha tshi khou elekanya, “Ndi kumedza zwoňhe,” Khotsi, ngavhe ri tshi ita hezwi, zwi tshi tou nga ndi tshifhinga tshashu tsha u fhedza tsha u zwi ita. Kha ri de nga u fulufhedzea, ri de dafulani ya Murena,

sa zwe zwa vha zwi zwone, ri na zwiambaro zwo ḥanzwiwaho, mimuya yo ḥanzwiwaho, lufuno lwo ḥanzwiwaho, lutamo lwo ḥanzwiwaho, u dikumedza riṇe vhane.

¹⁹⁷ Huno Mudzimu nga a dzhie Ipfi Lawe, a ri dzhenise dzhogoni Nalo, Ipfi la Mudzimu. Huno ngavhe Muya Mukhethwa a tshi ri dzhia zwino, musi ri tshi pfa dzhogo i tshi lila u mona na mbilu dzashu, "U bva madekwana a ḥamusi, ndi dzhia zwine wa amba. Zwino u songo shuma nga kuhumbulele kwau. Elekanya mihibulo Yanga. Elekanya lufuno Lwanga. Ndi do u ranga phanda." Mudzimu, zwi tendele uri i vhe tshenzhemo kha muṇwe na muṇwe washu.

¹⁹⁸ Avha vhathu vhaswa vho dzulaho hafha; munna na mufumakadzi; na vhaṇwe vha tshi khou da u vha munna na mufumakadzi. Hu na vhanna vha vhaaluwa vho dzulaho hafha, vhane vha vha vhashumeli, vha re kha ndila. Huno, Murena, ngoyu Murathu Neville, nne, ri khou gonya leri. Mađuvha ashu a khou vhaliwa zwino. Maga ashu a khou itwa uri a vhe na vhulondi ho engedzeaho u fhira zwe ra a ita. Ri sedza hune ra kanda. A ri vhane vha sa khukhulwe, ri tshi amba nga lwa ḥama, sa zwe ra vha ri zwone. Fhedzi, Murena, sa izwo ri tshi vhonazwauri vhutshilo vhu faho vhu khou nyamalala, huno a hu na na mitsindo yashu ine ya vha na ngoho nnḍani ha Iwe wo fara tshanda tshashu.

¹⁹⁹ Zwino, Mudzimu, ri dzhie, naa U do ralo? Dzhia mbilu dzashu na lufuno lwashu tshandani Tshau Iwe muṇe, huno ri vhe zwivhotshwa, madekwana a ḥamusi, kha Ipfi, kha Kristo. Ngavhe ri tshi tshila vhutshilo ha u ofha Mudzimu fhano. Ngavhe avha vhasadzi, avha vhasadzi vhaswa, avha vhanna vhaswa, vhatukana na vhasidzana, vha tshi kumedza vhutshilo havho, Murena. Huno ngavhe lutamo lwavho lu tshi vha lutamo lwa u shumela Yesu Kristo. Huno kha ri vhe tshivhotshwa tsha tshilidzi Tshawe Tshikhethwa na lufuno. Zwi tendele, Murena.

²⁰⁰ Ndi zwenezwo fhedzi zwine nda ḏivha u ita, Murena. Aya maipfi matuku o vundekanaho, huno ndi—ndi a fulufhela uri U do a vhea ḫhethu huthihi, nga ngona. Ngauri, hu a fhisa ngomu hafha, huno vhathu vha khou ḥoda u thetshelesa, fhedzi zwa vhukuma hu a dudela. Huno vhanzhi vha tea u ya hayani na u ya mushumoni nga u tavhanya. Fhedzi ngavhe idzo mbeu dzi tshi vha mbiluni dzavho, "tshivhotshwa."

²⁰¹ Iyani hayani huno ni vhudze mufumakadzi, musi vha... vha sa athu dilugisela u tsela phasi na u rabela, masiari ano, kana madekwana ano, thungo ha mmbete, ni sedzane, ni ri, "Mufunwa, mini-ha nga ha hezwo, madekwana a ḥamusi? Naa zwa vhukuma ro no vha zwivhotshwa kha Kristo na kha lufuno Lwawe, kana—kana ri shuma nga lufuno lwashu?"

²⁰² Ngavhe vhanna vhaswa na vhasadzi vhaswa, huṇwe na huṇwe, nga maandamaanda avho vho pfaho Mulaedza,

madekwana a namusi, vha tshi divhudzisa iyo mbudziso yeneyo nthihi, “Naa ndi a funa u vha tshivhotshwa, ndi tshi furalela vhutshilo hanga?”

²⁰³ “Ane a tshidza vhutshilo hawe u do vhu lovhisa, fhedzi ane a do lovhisa vhutshilo Hawe a tshi itela Nqe u do vhu wana.” Khotsi, ri a divha, uri izwo ndi: ivhani tshivhotshwa Tshau, ra lovhisa lutamo lwashu na zwi funwaho nga riqe, u wana Zwau, zwenezwo ri na Vhutshilo Vhu Sa Fheli. Zwi tendele, Murena.

²⁰⁴ Tshithu fhedzi tshine nda divha, ndi u zwi kumedza zwino tshandani Tshau. Huno ngavhe zwi tshi vha na mutshelo nahone zwa bveledza zwishumiswa zwihiwlwane—zwihiwlwane u itela khanq ya duvha la u fhedzisela, vhanna na vhasadzi, vhatukana na vhasidzana, vha dikumedzele kha lufuno lwo fhelelaho lwa Mudzimu, huno vha vha zwivhotshwa zwa Yesu Kristo, kha lufuno Lwawe, vho vroxwa nga matzimbi a lufuno Lukhethwa kha Kristo. Ri zwi humbela nga Dzina Lawe.

Ndi kumedza zwothe,

Kha ri ime.

Ndi kumedza zwothe,

Zwothe kha Iwe, wanga . . . ? . . .

²⁰⁵ Kha ri tou amba zwenezwo hafhu, ro vala maqo ashu nahone zwanda zwashu zwi ntsha.

Ndi kumedza zwothe,

Ndi kumedza zwothe,

Zwothe kha Iwe, Mutshidzi wanga o
fhaqtshedzwaho,

Ndi kumedza zwothe.

²⁰⁶ Zwino, arali ri tshi do kotamisa zwifhaqwu zwashu, nahone luimbo lwa u balangana lu sa athu imbiwa, lwa *Dzhiani Dzina La Yesu*. Ndi khou yo humbela uri—uri hoyu mukomana hafha. . . . ndi hangwa dzina lawe. Khaladzi we a tanziela nga ha bono la swiswi li tshi da, we a fhodzwa. Huno elelwani, a tshi sedza murahu, lupila lwa vha lu si tsheeho. Lutendo lwawe lwo zwi ita hezwo. Inwi ri balanganyeni nga thabelo, naa ni do ralo, mukomana? Huno na humbela phaqutshedzo dla Mudzimu kha riqe.



TSHIVHOTSHWA TSV63-0717
(A Prisoner)

Hoyu Mulaedza nga Mukomana William Marrion Branham, u rangani wo newa nga Tshiisimane nga madekwana a Ləvhuraru, Fulwana 17, 1963, Thaberenakełeni ya Branham kha la Jeffersonville, Indiana, U.S.A., wo dzhiwa kha rekhodo ya theiphi ya maginete huno wa gandiswa u songo pfufhifhadzwa nga Tshiisimane. Heyi ḥalutshedzo ya Tshivenđa yo gandiswa huno ya phaqladzwa nga vha Voice Of God Recordings.

TSHIVENDA

©2014 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuɬuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org